



MALAYSIA

Warta Kerajaan

SERI PADUKA BAGINDA

DITERBITKAN DENGAN KUASA

HIS MAJESTY'S GOVERNMENT GAZETTE

PUBLISHED BY AUTHORITY

Jil. 36
No. 26

17hb Disember 1992

TAMBAHAN
No. 13

RANG UNDANG-UNDANG

Rang Undang-undang yang berikut telah dibentangkan dalam Parlimen adalah diterbitkan untuk makluman umum:

The following Bill introduced into Parliament is published for general information:

Akta Pentadbiran Undang-undang Islam (Wilayah-wilayah Persekutuan) 1992—(*Dibentangkan dan dibaca bagi kali pertama dalam Dewan Rakyat pada 8hb Disember 1992*).

Administration of Islamic Law (Federal Territories) Act 1992—(*Presented and read a first time in the Dewan Rakyat on 8th December 1992*).

D.R. 43/92

Naskhah Sahih—Bahasa Malaysia

AKTA PENTADBIRAN UNDANG-UNDANG
ISLAM (WILAYAH-WILAYAH PERSEKUTUAN)
1992

SUSUNAN FASAL

BAHAGIAN I
PERMULAAN

Fasal

1. Tajuk ringkas, pemakaian dan mula berkuatkuasa.
2. Tafsiran.
3. Kecualian prerogatif.

BAHAGIAN II

MAJLIS AGAMA ISLAM WILAYAH PERSEKUTUAN

4. Penubuhan Majlis.
5. Identiti di sisi undang-undang dan kuasa-kuasa Majlis.
6. Jawatankuasa-jawatankuasa.
7. Kewajipan Majlis bagi kemajuan sosio-ekonomi orang-orang Islam.
8. Kuasa untuk menubuhkan perbadanan-perbadanan.
9. Kuasa-kuasa meminjam.
10. Keahlian Majlis.
11. Penamatan perlantikan.
12. Pembatalan perlantikan.
13. Perlantikan hendaklah diwartakan.
14. Setiausaha.
15. Kehadiran bukan ahli dalam mesyuarat.
16. Mempengerusikan mesyuarat.
17. Kuorum.
18. Penjalanan urusan.
19. Memanggil mesyuarat.

Fasal

20. Kuasa-kuasa Pengerusi.
21. Tugas-tugas dan kuasa-kuasa Setiausaha.
22. Minit.
23. Aturan urusan dan pengundian.
24. Salinan-salinan diperakui akan ketetapan-ketetapan.
25. Cuti.
26. Bertindak dalam hal tergepar.
27. Perwakilan kewajipan-kewajipan dan kuasa-kuasa.
28. Kerahsiaan.
29. Pengkhidmat awam.
30. Majlis boleh menentukan prosedurnya sendiri.
31. Kuasa Majlis.

BAHAGIAN III

PERLANTIKAN MUFTI, KUASA DALAM HAL EHWAL AGAMA
DAN JAWATANKUASA PERUNDINGAN HUKUM SYARAK

32. Perlantikan Mufti dan Timbalan Mufti.
33. Kuasa Mufti.
34. Fatwa.
35. Bentuk fatwa.
36. Pindaan, ubahsuaian atau pembatalan fatwa.
37. Jawatankuasa Perundingan Hukum Syarak.
38. Permintaan bagi pendapat daripada Mufti.
39. Nas-nas yang hendaklah diikuti.

BAHAGIAN IV

MAHKAMAH SYARIAH

40. Penubuhan Mahkamah Syariah.
41. Perlantikan Ketua Hakim Syarie.
42. Perlantikan Hakim-Hakim Mahkamah Rayuan Syariah.
43. Perlantikan Hakim-Hakim Mahkamah Tinggi Syariah.
44. Perlantikan Hakim Mahkamah Rendah Syariah.
45. Pendaftar-Pendaftar.
46. Bidang kuasa Mahkamah Tinggi Syariah.
47. Bidang kuasa Mahkamah Rendah Syariah.
48. Rayuan ke Mahkamah Tinggi Syariah.
49. Permohonan untuk kebenaran merayu.
50. Perakuan-perakuan pewarisan.

Fasal

51. Bidang kuasa pengawasan dan penyemakan Mahkamah Tinggi Syariah.
52. Bidang kuasa Mahkamah Rayuan Syariah.
53. Bidang kuasa pengawasan dan penyemakan Mahkamah Rayuan Syariah.
54. Keanggotaan Mahkamah Rayuan Syariah.
55. Keputusan dengan majoriti.
56. Penerusan prosiding dalam Mahkamah Rayuan Syariah walaupun Hakim tiada.
57. Kaedah-kaedah rayuan.

BAHAGIAN V

PENDAKWAAN DAN PERWAKILAN

58. Perlantikan Pendakwa-Pendakwa Syarie dan Pegawai-Pegawai Penguatkuasa Agama.
59. Peguam Syarie.

BAHAGIAN VI

KEWANGAN

Amanah Khairat

60. Penubuhan Baitulmal.
61. Wakaf dan nazr.
62. Perletakhakan.
63. Sekatan-sekatan ke atas perwujudan amanah khairat.
64. Pendapatan daripada wakaf dan nazr.
65. Modal wakaf dan nazr 'am.
66. Pengertian suratcara.
67. Akaun dan laporan tahunan.
68. Harta wakaf dan nazr.
69. Anggaran-anggaran.
70. Perbelanjaan Majlis.
71. Jurubank.

BAHAGIAN VII

MASJID

72. Peramanahan masjid-masjid dan tanah-tanah yang berkaitan.

Fasal

73. Sekatan ke atas penubuhan masjid.
74. Penyenggaraan masjid dan kawasannya.
75. Sempadan kariah masjid.
76. Perlantikan Pegawai Masjid.
77. Tauliah.
78. Tempoh jawatan Pegawai Masjid.
79. Kawalan dan arahan ke atas Pegawai Masjid.
80. Penghapusan jawatan Nazir.
81. Jawatankuasa kariah.
82. Pengecualian.
83. Kuasa meminda Jadual Ketiga.

BAHAGIAN VIII
PUNGUTAN KHAIRAT

84. Pungutan khairat

BAHAGIAN IX
MASUK ISLAM

85. Kehendak-kehendak bagi kemasukan Islam.
86. Saat masuk Islam.
87. Tugas-tugas dan kewajipan-kewajipan seseorang muallaf.
88. Pendaftar dan Daftar Muallaf.
89. Pendaftaran muallaf.
90. Perakuan Masuk Islam.
91. Pengiktirafan muallaf sebagai orang Islam.
92. Menentukan sama ada orang yang tak didaftarkan ialah seorang muallaf.
93. Kesalahan memberi maklumat palsu.
94. Kuasa membuat kaedah-kaedah.

BAHAGIAN X
PENDIDIKAN AGAMA

95. Jawatankuasa Pengawasan Pengajaran Agama.
96. Sekolah Agama.
97. Pengecualian.

BAHAGIAN XI

AM

Fasal

98. Kaedah-kaedah.
99. Kecualian kaedah-kaedah dan perlantikan-perlantikan.
100. Peralihan.
101. Pindaan seksyen 165 dan 166 Enakmen.
102. Pemberhentian pemakaian Enakmen.

JADUAL PERTAMA

JADUAL KEDUA

JADUAL KETIGA

RANG UNDANG-UNDANG

b e r n a m a

Suatu Akta bagi mengadakan peruntukan bagi Wilayah-Wilayah Persekutuan suatu undang-undang yang berkaitan dengan penguatkuasaan dan pentadbiran undang-undang Islam, penubuhan dan organisasi Mahkamah-Mahkamah Syariah, dan perkara-perkara yang berhubungan dengannya.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

BAHAGIAN I

PERMULAAN

1. (1) Akta ini bolehlah dinamakan Akta Pentadbiran Undang-Undang Islam (Wilayah-Wilayah Persekutuan) 1992 dan terpakai hanya bagi Wilayah Persekutuan Kuala Lumpur dan Labuan.

Tajuk ringkas, pemakaian dan mula berkuatkuasa.

(2) Akta ini hendaklah mula berkuatkuasa pada tarikh yang ditetapkan oleh Yang di-Pertuan Agong melalui pemberitahuan dalam *Warta*.

(3) Yang di-Pertuan Agong boleh menetapkan tarikh-tarikh yang berlainan bagi mula berkuatkuasanya peruntukan-peruntukan yang berlainan dalam Akta ini.

2. (1) Dalam Akta ini, melainkan jika konteksnya menghendaki makna yang lain—

Tafsiran.

"anak kariah" ertinya seseorang yang secara tetap atau pada lazimnya tinggal dalam kariah masjid;

En Sel.3/52. "Enakmen" ertinya Enakmen Pentadbiran Hukum Syarak 1952 bagi Negeri Selangor—

(a) berhubungan dengan Wilayah Persekutuan Kuala Lumpur, sebagaimana yang diubah-suaikan oleh Perintah-Perintah Wilayah Persekutuan (Pengubahsuaian Enakmen Pentadbiran Hukum Syarak) 1974, 1981 dan 1988 yang dibuat menurut seksyen 6(4) Akta Perlembagaan (Pindaan) (No. 2) 1973 dan berkuatkuasa di dalam Wilayah Persekutuan Kuala Lumpur menurut kuasa seksyen 6(1) Akta itu; dan

P.U. (A)
44174.
P.U. (A)
390/81.
P.U.(A)
163188.
P.U. (A)
263/88
Akta A206

(b) berhubungan dengan Wilayah Persekutuan Labuan, sebagaimana yang diubahsuaikan dan diperluaskan melalui Perintah Wilayah Persekutuan Labuan (Pengubahsuaian dan Perluasan Enakmen Pentadbiran Hukum Syarak) 1985 yang dibuat menurut seksyen 7 Akta Perlembagaan (Pindaan) (No. 2) 1984;

P.U.(A)
352/85.

AktaA585,

"Hakim Syarie" atau "Hakim" ertinya Hakim-Hakim Mahkamah Tinggi Syariah yang dilantik di bawah seksyen 43(1) tetapi tidak termasuk Hakim Mahkamah Rendah Syariah yang dilantik di bawah seksyen 44(1);

"Hukum Syarak" ertinya Undang-Undang Islam mengikut mana-mana Mazhab yang diiktiraf;

"Imam" ertinya Imam yang dilantik di bawah seksyen 76(3);

"Imam Ratib" ertinya Imam Ratib yang dilantik di bawah seksyen 76(4);

"jawatankuasa kariah" ertinya jawatankuasa kariah yang ditubuhkan di bawah kaedah-kaedah yang dibuat di bawah seksyen 81;

"Jawatankuasa Perundingan Hukum Syarak" ertinya Jawatankuasa Perundingan Hukum Syarak yang ditubuhkan di bawah seksyen 37(1);

"kariah masjid", berhubung dengan sesuatu masjid, ertinya kawasan yang sempadannya ditentukan di bawah seksyen 75 yang di dalamnya masjid itu terletak;

"Ketua Hakim Syarie" ertinya Ketua Hakim Syarie yang dilantik di bawah seksyen 41(1);

"Ketua Pegawai Penguatkuasa Agama" dan "Pegawai Penguatkuasa Agama" ertinya pegawai yang dilantik sebagai yang sedemikian di bawah seksyen 58(4);

"Ketua Pendakwa Syarie" ertinya pegawai yang dilantik di bawah seksyen 58(1);

"Kumpulan Wang" ertinya Kumpulan Wang yang dikenali sebagai Baitulmal yang ditubuhkan di bawah seksyen 60;

"Mahkamah" atau "Mahkamah Syariah" ertinya Mahkamah Rendah Syariah, Mahkamah Tinggi Syariah, atau Mahkamah Rayuan Syariah, mengikut mana-mana yang berkenaan, yang ditubuhkan di bawah seksyen 40;

"Majlis" ertinya Majlis Agama Islam Wilayah Persekutuan yang ditubuhkan di bawah seksyen 4(1);

"masjid" ertinya suatu bangunan yang digunakan bagi sembahyang Jumaat dan sembahyang lain dan kegiatan-kegiatan yang disuruh, disyorkan, atau dibenarkan oleh agama Islam, dan termasuk mana-mana masjid atau surau atau madrasah yang disenaraikan dalam Jadual Ketiga;

"Menteri" ertinya Menteri yang dipertanggungjawab dengan tanggungjawab bagi pentadbiran agama Islam di Wilayah-Wilayah Persekutuan;

"Mufti" ertinya orang yang dilantik menjadi Mufti bagi Wilayah-Wilayah Persekutuan di bawah seksyen 32, dan termasuk Timbalan Mufti;

"nazar" ertinya suatu ikrar yang dilafazkan untuk melakukan sesuatu perbuatan atau mewakafkan harta bagi apa-apa maksud yang dibenarkan oleh Hukum Syarak;

"nazar 'am" ertinya suatu nazar yang dimaksudkan keseluruhannya atau sebahagiannya bagi faedah masyarakat Islam amnya atau mana-mana bahagian masyarakat Islam, dan bukanlah bagi seorang individu atau individu-individu;

"orang Islam" ertinya—

- (a) seseorang yang menganut agama Islam;
- (b) seseorang yang salah seorang atau kedua ibu bapanya, pada masa kelahiran orang itu, ialah orang Islam;
- (c) seseorang yang cara dia dibesarkan telah dijalankan atas asas bahawa dia orang Islam;
- (d) seseorang yang telah masuk Islam mengikut kehendak-kehendak seksyen 85;
- (e) seseorang yang lazimnya dikenali sebagai orang Islam; atau
- (f) seseorang yang ditunjukkan telah menyatakan, dalam hal keadaan di mana dia terikat oleh undang-undang untuk menyatakan yang benar, bahawa dia adalah orang Islam, sama ada pernyataan itu secara lisan atau bertulis;

"Pegawai Masjid" ertinya Naqib Masjid, Imam, Imam Ratib, Bilal dan Pembantu Bilal bagi sesuatu masjid;

"Peguam Syarie" ertinya seseorang yang dilantik sebagai Peguam Syarie di bawah seksyen 59;

"Pembantu Bilal" ertinya Pembantu Bilal sesuatu masjid yang dilantik di bawah seksyen 76(4);

"Pendakwa Syarie" ertinya seorang pegawai yang dilantik di bawah seksyen 58(3);

"Pengerusi" ertinya Pengerusi Majlis;

"Setiausaha" ertinya Setiausaha Majlis yang tersebut dalam seksyen 14;

"wakaf 'am" ertinya wakaf yang berkekalan atas modal dan pendapatan daripada harta bagi maksud-maksud agama atau khairat yang diiktiraf oleh Hukum Syarak, dan harta yang diwakafkan sedemikian;

"wakaf khas" ertinya wakaf yang berkekalan atau bagi suatu tempoh terhad atas modal harta bagi maksud-maksud agama atau khairat yang diiktiraf oleh Hukum Syarak, dan harta yang diwakafkan sedemikian, yang berpendapatan daripadanya diberikan kepada orang-orang atau bagi maksud-maksud yang ditetapkan dalam wakaf itu;

"Wilayah-Wilayah Persekutuan" ertinya Wilayah-Wilayah Persekutuan Kuala Lumpur dan Labuan.

(2) Semua perkataan dan ungkapan yang digunakan di dalam Akta ini dan tidak ditakrifkan di dalam Akta ini tetapi ditakrifkan dalam Akta Tafsiran 1948 dan 1967 hendaklah mempunyai erti yang diberikan kepadanya masing-masing setakat yang erti-erti itu tidak bercanggah dengan Hukum Syarak. Akta 388

(3) Bagi mengelakkan keraguan tentang identiti atau pentafsiran perkataan-perkataan dan ungkapan-ungkapan yang digunakan dalam Akta ini yang disenaraikan dalam Jadual Pertama, rujukan bolehlah dibuat kepada tulisan Arab bagi perkataan-perkataan dan ungkapan-ungkapan itu yang ditunjukkan berseparahan dengannya dalam Jadual itu.

3. Kecuali sebagaimana yang diperuntukkan dengan nyata dalam Akta ini, tiada apa-apa jua yang terkandung dalamnya boleh mengurangkan atau menyentuh hak-hak dan kuasa-kuasa Yang di-Pertuan Agong sebagai Ketua agama Islam di dalam Wilayah-Wilayah Persekutuan, sebagaimana yang ditetapkan dan dinyatakan dalam Perlembagaan Persekutuan. Kecualian prerogatif.

BAHAGIAN II

MAJLIS AGAMA ISLAM WILAYAH PERSEKUTUAN

Penubuhan
Majlis.

4. (1) Maka hendaklah ada suatu badan yang dikenali sebagai "Majlis Agama Islam Wilayah Persekutuan", untuk menasihati Yang di-Pertuan Agong dalam perkara-perkara yang berhubungan dengan agama Islam.

(2) Apabila mula berkuatkuasanya seksyen ini, "Majlis Agama Islam Wilayah Persekutuan" yang wujud menurut kuasa seksyen 5 Enakmen hendaklah disifatkan sebagai Majlis yang disebut di dalam subseksyen (1).

Identiti di sisi
undang-
undang dan
kuasa-kuasa
Majlis.

5. (1) Majlis hendaklah menjadi suatu pertubuhan perbadanan yang kekal turun-temurun dan mempunyai suatu meterai perbadanan, dan meterai tersebut boleh dari semasa ke semasa dipecahkan, ditukar, diubah dan dibuat baharu sebagaimana yang difikirkan patut oleh Majlis, dan, sehingga suatu meterai diadakan di bawah seksyen ini, suatu cap yang mengandungi tulisan "Majlis Agama Islam Wilayah Persekutuan" bolehlah digunakan sebagai meterai perbadanan.

(2) Majlis boleh mendakwa dan didakwa dengan nama perbadanannya.

(3) Majlis boleh mengikat kontrak dan boleh memperolehi, membeli, mengambil, memegang, dan menikmati segala perihal harta alih dan tak alih, dan tertakluk kepada mana-mana undang-undang bertulis yang menyentuhnya, boleh memindahhak, menyerahhak, menyerahkan dan memulangkan, menggadai, menggadai-janji, mendemis, menyerahhak semula, memindahmilik atau selainnya melupuskan, atau memperlakukan, mana-mana harta alih atau tak alih yang terletak pada Majlis atas apa-apa terma yang difikirkan patut oleh Majlis dan mengikut Hukum Syarak.

(4) Majlis hendaklah mempunyai kuasa untuk bertindak sebagai wasi sesuatu wasiat atau sebagai pentadbir harta pusaka seseorang si mati atau sebagai pemegang amanah mana-mana amanah.

(5) Majlis hendaklah mempunyai apa-apa kuasa selanjutnya dan menjalankan apa-apa kewajipan yang diberikan kepadanya oleh Akta ini atau mana-mana Akta lain.

6. Majlis boleh melantik jawatankuasa-jawatankuasa untuk membantunya dalam melaksanakan kewajipan-kewajibannya atau menjalankan kuasa-kuasanya.

Jawatankuasa-jawatankuasa.

7. (1) Maka hendaklah menjadi kewajipan Majlis untuk menggalakkan, mendorong, membantu dan mengusahakan kemajuan dan kesejahteraan ekonomi dan sosial masyarakat Islam dalam Wilayah-Wilayah Persekutuan selaras dengan Hukum Syarak.

Kewajipan Majlis bagi kemajuan sosio-ekonomi orang-orang Islam.

(2) Majlis hendaklah mempunyai kuasa, bagi maksud menunaikan kewajibannya di bawah subseksyen (1)—

- (a) untuk menjalankan segala kegiatan, yang tidak akan melibatkan apa-apa unsur yang tidak dibenarkan oleh agama Islam, khususnya memajukan perusahaan komersil dan perindustrian, yang perjalanannya ternyata kepada Majlis adalah perlu, berfaedah atau menyenangkan bagi atau berkaitan dengan penunaian kewajibannya yang tersebut, termasuklah membuat, memasang, memproses, membungkus, menggred dan memasarkan keluaran-keluaran;
- (b) untuk menggalakkan penjalanan apa-apa kegiatan sedemikian oleh badan-badan atau orang-orang lain, dan bagi maksud itu untuk menubuhkan atau memperkembangkan, atau menggalakkan penubuhan atau perkembangan, badan-badan lain untuk menjalankan apa-apa kegiatan sedemikian sama ada di bawah kawalan atau kawalan separa oleh Majlis atau secara bebas, dan untuk memberikan bantuan kepada badan-badan atau orang-orang lain yang ternyata kepada Majlis mempunyai kemudahan-kemudahan untuk menjalankan apa-apa kegiatan yang sedemikian, termasuklah pemberian bantuan kewangan dengan cara pinjaman atau selainnya;

Akta 208.

- (c) untuk menjalankan apa-apa kegiatan sedemikian bersama dengan badan-badan atau orang-orang lain, termasuklah jabatan-jabatan atau pihak-pihak berkuasa Kerajaan Persekutuan, atau sebagai ejen pengurus atau selainnya bagi pihak Kerajaan Persekutuan;
- (d) untuk melabur dalam apa-apa pelaburan yang dibenarkan sebagaimana yang ditakrifkan oleh Akta Pemegang Amanah 1949, dan melupuskan pelaburan itu atas apa-apa terma dan syarat yang ditentukan oleh Majlis;
- (e) tertakluk kepada kelulusan Menteri Kewangan, untuk menubuhkan apa-apa skim bagi pemberian pinjaman daripada Kumpulan Wang kepada individu Muslim bagi pembelajaran tinggi;
- (f) untuk menubuhkan dan menyenggarakan sekolah-sekolah Islam, institusi-institusi latihan dan penyelidikan; dan
- (g) untuk melakukan segala perbuatan yang difikirkan oleh Majlis dikehendaki atau suai-manfaat.

Kuasa untuk menubuhkan perbadanan-perbadanan

8. (1) Majlis boleh, dengan kelulusan Yang di-Pertuan Agong, dari semasa ke semasa melalui perintah yang disiarkan dalam *Warta* menubuhkan sesuatu perbadanan dengan apa-apa nama sebagaimana yang difikirkan patut oleh Majlis untuk menjalankan dan menjaga, mengelola, dan menguruskan apa-apa projek skim, atau perusahaan yang telah dirancang atau diusahakan oleh Majlis dalam melaksanakan kewajipan atau kuasa-kuasanya di bawah seksyen 7.

(2) Majlis hendaklah, dengan kelulusan Yang di-Pertuan Agong, melalui perintah yang sama atau yang lain, membuat peruntukan-peruntukan berkenaan dengan sesuatu perbadanan yang ditubuhkan di bawah subseksyen (1), yang menentukan—

- (a) kewajipan-kewajipan, kuasa-kuasa dan hak-hak perbadanan itu;
- (b) sistem pengurusan perbadanan itu; dan

(c) hubungan di antara perbadanan dengan Majlis dan hak Majlis untuk mengawal perbadanan itu.

(3) Peruntukan-peruntukan Jadual Kedua hendaklah terpakai bagi sesuatu perbadanan yang ditubuhkan oleh Majlis di bawah subseksyen (1).

9. (1) Majlis boleh, dengan kelulusan Menteri Kewangan dan atas terma dan syarat-syarat sebagaimana yang ditentukan oleh Menteri Kewangan, meminjam apa-apa jumlah wang yang mungkin dikehendaknya untuk menunaikan mana-mana fungsinya di bawah Akta ini. Kuasa-kuasa meminjam.

(2) Jumlah-jumlah wang yang dipinjam menurut kuasa seksyen ini hendaklah dibayar ke dalam Kumpulan Wang.

10. (1) Majlis hendaklah terdiri daripada anggota-anggota berikut: Keanggotaan Majhs.

- (a) seorang Pengerusi;
- (b) seorang Timbalan Pengerusi;
- (c) Ketua Setiausaha Negara atau wakilnya;
- (d) Peguam Negara atau wakilnya;
- (e) Ketua Polis Negara atau wakilnya;
- (f) Mufti;
- (g) Dato Bandar Kuala Lumpur; dan
- (h) lima belas orang anggota lain, sekurang-kurangnya lima daripada mereka hendaklah yang arif di dalam pengajian Islam.

(2) Pengerusi, Timbalan Pengerusi, dan anggota-anggota di bawah perenggan (h) subseksyen (1) hendaklah orang-orang Islam dan hendaklah dilantik oleh Yang di-Pertuan Agong atas nasihat Menteri bagi apa-apa tempoh, tidak melebihi tiga tahun, sebagaimana yang ditentukan oleh Yang di-Pertuan Agong.

(3) Seseorang anggota yang tempoh jawatannya telah habis tempoh bolehlah dilantik semula.

(4) Jika pada bila-bila masa orang yang memegang jawatan yang tersebut dalam perenggan (c), (d), (e) atau (g) bukan orang Islam, Yang di-Pertuan Agong atas nasihat Menteri hendaklah melantik seorang pegawai lain yang adalah seorang Islam dan yang kanan selepasnya dari Jabatan atau Kementerian yang sama untuk menjadi anggota bagi menggantikan orang tersebut.

(5) Orang-orang yang, sebelum sahaja mula berkuatkuasanya seksyen ini adalah Pengerusi, Timbalan Pengerusi, dan anggota-anggota yang dilantik bagi Majlis Agama Islam Wilayah Persekutuan hendaklah, tertakluk kepada Akta ini, masing-masingnya terus menjadi Pengerusi, Timbalan Pengerusi, dan anggota-anggota Majlis sehingga habis tempoh perlantikan mereka sekarang.

Penamatan
perlantikan.

11. Perlantikan seseorang anggota Majlis yang dilantik hendaklah tamat—

- (a) apabila dia mati; atau
- (b) jika dia, dengan surat yang ditujukan kepada Yang di-Pertuan Agong melalui Pengerusi, meletakkan jawatannya; atau
- (c) jika dia tidak ada di Malaysia, tanpa kebenaran bertulis daripada Pengerusi, selama tempoh melebihi enam bulan.

Pembatalan
perlantikan.

12. Yang di-Pertuan Agong boleh, atas nasihat Menteri, membatalkan perlantikan mana-mana anggota Majlis yang dilantik—

- (a) jika kelakuannya, sama ada yang berkaitan dengan tugas-tugasnya sebagai anggota atau selainnya, adalah kelakuan yang memburukkan nama Majlis; atau
- (b) jika dia telah menjadi tak berupaya menjalankan tugas-tugasnya dengan sempurna sebagai anggota; atau

- (c) jika, tanpa apa-apa alasan yang mencukupi pada pendapat Pengerusi, dia telah tidak menghadiri tiga mesyuarat Majlis secara berturut-turut.

13. Semua perlantikan dan pembatalan perlantikan di bawah seksyen 10, II dan 12 hendaklah disiarkan dalam *Warta*. Perlantikan hendaklah diwarlakan.

14. (1) Pengarah Jabatan Agama Islam Wilayah-Wilayah Persekutuan hendaklah menjadi Setiausaha Majlis. Setiausaha.

(2) Setiausaha hendaklah menjadi ketua pegawai eksekutif dan pentadbir Majlis dan hendaklah bertanggungjawab bagi menjalankan dasar-dasar dan ketetapan-ketetapan Majlis.

(3) Setiausaha adalah berhak menghadiri semua mesyuarat Majlis dan mengambil bahagian dalam pertimbangtelitiannya, tetapi tidak boleh mengundi.

15. (1) Pengerusi boleh menjemput mana-mana orang yang bukan anggota Majlis untuk hadir dalam mana-mana mesyuarat Majlis, jika urusan di hadapan mesyuarat itu menyebabkan kehadiran orang itu dikehendaki. Kehadiran bukan anggota dalam mesyuarat.

(2) Seseorang yang dijemput di bawah subseksyen (1) adalah berhak mengambil bahagian dalam pertimbangtelitian Majlis, tetapi tidak mempunyai hak mengundi.

16. (1) Pengerusi atau, dalam masa ketahdirannya, Timbalan Pengerusi hendaklah mempengerusikan semua mesyuarat Majlis. Mempengerusikan mesyuarat.

(2) Jika Pengerusi dan Timbalan Pengerusi tidak hadir dalam sesuatu mesyuarat, anggota-anggota yang hadir hendaklah memilih seorang daripada kalangan mereka untuk mempengerusikan mesyuarat itu.

- Kuorum. 17. Tiada urusan, kecuali mengenai penangguhan, boleh dilakukan dalam sesuatu mesyuarat, dan tiada ketetapan atau tindakan Majlis yang dibuat atau dilaksanakan dalam sesuatu mesyuarat, adalah sah, melainkan jika sekurang-kurangnya satu pertiga daripada anggota, termasuk orang yang mempengerusikan mesyuarat, hadir dalam mesyuarat itu.
- Penjalanan urusan. 18. (1) Kecuali sebagaimana yang diperuntukkan dengan nyata selainnya oleh Akta ini, semua urusan Majlis hendaklah dijalankan di dalam mesyuarat Majlis yang diadakan secara tetap dan hendaklah dibereskan melalui ketetapan majoriti anggota yang hadir dan berhak mengundi.
- (2) Ketetapan bertulis yang ditandatangani oleh semua anggota Majlis hendaklah, melainkan jika dalam mana-mana hal atau golongan hal khas diarahkan selainnya oleh Yang di-Pertuan Agong, mempunyai kesan yang sama seperti ketetapan yang diluluskan sewajarnya di bawah subseksyen (1).
- Memanggil mesyuarat. 19. (1) Semua mesyuarat Majlis hendaklah dipanggil oleh Setiausaha.
- (2) Pengerusi boleh pada bila-bila masa mengarahkan Setiausaha memanggil mesyuarat.
- (3) Mana-mana empat orang anggota Majlis boleh pada bila-bila masa secara bertulis menghendaki Setiausaha memanggil mesyuarat Majlis dengan syarat mereka memberitahu Setiausaha maksud yang baginya mereka menghendaki mesyuarat itu dipanggil.
- (4) Setiausaha hendaklah memanggil mesyuarat dalam tempoh empat belas hari dari tarikh penerimaan arahan atau kehendak di bawah subseksyen (2) atau (3), atau, jika Pengerusi mengarahkan sedemikian, sebaik sahaja dia menerima arahan atau kehendak itu.
- (5) Sekurang-kurangnya tujuh hari notis bertulis hendaklah diberikan mengenai mana-mana mesyuarat, tetapi Pengerusi boleh, jika dia berpendapat bahawa ada keperluan mendesak untuk memanggil suatu

mesyuarat dengan notis yang lebih singkat, mengarahkan supaya kehendak notis tujuh hari itu diketepikan.

(6) Notis mesyuarat boleh dihantar melalui pos kepada anggota dengan ditujukan ke alamat tempat tinggalnya yang terakhir diketahui dan hendaklah disifatkan telah disampaikan mengikut perjalanan biasa pos.

(7) Tiada notis mesyuarat diperlukan dalam hal anggota yang sedang berada di luar Malaysia.

20. Pengerusi hendaklah menjalankan kawalan ke atas segala pertimbangan dan prosiding Majlis dan hendaklah bertanggungjawab bagi penjalanannya yang sepatutnya dan teratur. Kuasa-kuasa Pengerusi.

21. Tertakluk kepada apa-apa arahan yang diberikan oleh Pengerusi kepadanya, Setiausaha hendaklah bertanggungjawab ke atas semua surat-menyurat dan dokumen Majlis, dan hendaklah dalam segala segi lain menjalankan tugas-tugas yang dikenakan ke atasnya oleh Akta ini atau yang diberikan kepadanya oleh Pengerusi. Tugas-tugas dan kuasa-kuasa Setiausaha.

22. (1) Setiausaha hendaklah menyimpan minit segala mesyuarat Majlis, dan pada tiap-tiap mesyuarat minit mesyuarat yang lalu hendaklah dibaca dan disahkan, tertakluk kepada apa-apa pindaan yang diperlukan. Minit.

(2) Minit itu hendaklah dicatatkan dalam buku minit Majlis dan hendaklah mengandungi rekod kata demi kata penuh bagi tiap-tiap ketetapan Majlis.

(3) Dengan seberapa segera yang mungkin selepas tiap-tiap mesyuarat Majlis, satu salinan draf minit itu hendaklah dihantar kepada Yang di-Pertuan Agong. Jika semasa draf minit itu disahkan, minit itu dipinda, Yang di-Pertuan Agong hendaklah dengan serta-merta dimaklumkan tentang pindaan yang dibuat:

Dengan syarat bahawa tiada keputusan yang dibuat dalam mana-mana minit Majlis boleh diambil tindakan sehingga Yang di-Pertuan Agong telah menandakan perkenannya secara bertulis.

(4) Mesyuarat-mesyuarat Majlis hendaklah diadakan dengan tetap sehingga tidak lebih daripada tiga bulan kalendar boleh berlalu antara satu mesyuarat dengan yang berikutnya.

Aturan
urusan dan
pengundian.

23. (1) Pengerusi hendaklah menentukan aturan urusan pada mesyuarat-mesyuarat.

(2) Pengerusi boleh memutuskan aturan anggota-anggota boleh berucap dalam mesyuarat dan boleh pada bila-bila masa menghendaki mana-mana anggota berhenti daripada berucap dalam mesyuarat.

(3) Jika atas apa-apa ketetapan terdapat persamaan undi Pengerusi hendaklah mempunyai undi pemutus.

Salinan-
salinan
diperakui
bagi
ketetapan-
ketetapan.

24. Satu salinan apa-apa ketetapan Majlis yang diperakui oleh Setiausaha sebagai salinan benar ketetapan itu adalah keterangan yang mencukupi mengenainya, dan semua mahkamah hendaklah memberikan pengiktirafan kehakiman kepada tandatangan Setiausaha.

Cuti.

25. Pengerusi, jika dia menjangka akan tidak berada di Malaysia selama lebih daripada tiga puluh hari, hendaklah memohon cuti daripada Yang di-Pertuan Agong yang boleh memberikan apa-apa arahan sebagaimana yang difikirkannya patut.

Bertindak
dalam hal
tergepar.

26. (1) Dalam apa-apa hal tergepar Pengerusi boleh, selepas berunding dengan Menteri, melakukan atau mengarahkan dilakukan bagi pihak Majlis apa-apa tindakan atau perkara yang boleh dilakukan dengan sah melalui ketetapan Majlis.

(2) Jika apa-apa tindakan atau perkara dilakukan menurut subseksyen (1), suatu mesyuarat Majlis hendaklah diadakan dalam masa seminggu selepas itu bagi maksud meratifikasikan dan mengesahkan tindakan atau perkara yang dilakukan itu, dan jika Majlis enggan meratifikasikan dan mengesahkan tindakan atau perkara yang dilakukan itu, Yang di-Pertuan Agong boleh memberikan apa-apa arahan berkenaan dengannya sebagaimana yang difikirkannya patut.

27. (1) Majlis boleh, melalui ketetapan, dan tertakluk kepada syarat-syarat dan sekatan-sekatan sebagaimana yang difikirkan patut oleh Majlis, mewakilkan kepada Pengerusi" atau Setiausaha atau kepada mana-mana jawatankuasa Majlis pelaksanaan mana-mana kewajibannya atau penjalanan mana-mana kuasanya.

Pewakilan
kewajipan-
kewajipan dan
kuasa-kuasa.

(2) Pelaksanaan kewajipan-kewajipan dan penjalanan kuasa-kuasa menurut perwakilan di bawah subseksyen (1) hendaklah tertakluk kepada kawalan dan arahan-Majlis.

(3) Pengerusi, Setiausaha, atau jawatankuasa itu hendaklah memberitahu Majlis tentang semua tindakan dan perkara yang dilakukan olehnya atau oleh jawatankuasa itu menurut perwakilan di bawah subseksyen (1).

28. Prosiding Majlis hendaklah dirahsiakan dan tiada seorang pun anggota atau pengkhidmatnya boleh mendedahkan atau membukakan kepada mana-mana orang selain daripada Yang di-Pertuan Agong atau Menteri, dan mana-mana anggota Majlis, apa-apa perkara yang telah berbangkit dalam mana-mana mesyuarat melainkan jika dia dibenarkan dengan nyata oleh Majlis.

Kerahsiaan.

29. Anggota-anggota, pegawai-pegawai dan pengkhidmat-pengkhidmat Majlis hendaklah disifatkan sebagai pengkhidmat awam mengikut pengertian Kanun Keseksaan.

Pengkhidmat
awam.
NM.B.Bab45

30. Majlis boleh, tertakluk kepada Akta ini, boleh menentukan semua persoalan berhubungan dengan prosedur dan amalannya sendiri.

Majlis boleh
menentukan
prosedurnya
sendiri.

31. Majlis hendaklah membantu dan menasihati Yang di-Pertuan Agong berkenaan dengan semua perkara yang berhubungan dengan agama Islam di dalam Wilayah-Wilayah Persekutuan, kecuali perkara-perkara Hukum Syarak dan yang berhubungan dengan pentadbiran keadilan, dan dalam semua perkara sedemikian hendaklah menjadi pihak berkuasa utama di dalam Wilayah-Wilayah Persekutuan selepas Yang di-Pertuan Agong, kecuali jika diperuntukkan selainnya dalam Akta ini.

Kuasa Majlis,

BAHAGIAN III

PERLANTIKAN MUFTI. KUASA DALAM HAL EHWAL
AGAMA DAN JAWATANKUASA PERUNDINGAN HUKUM
SYARAK

Perlantikan
Mufti dan
Timbalan
Mufti.

32. (1) Yang di-Pertuan Agong boleh, atas nasihat Menteri, selepas berunding dengan Majlis melantik orang-orang yang layak dan sesuai menjadi Mufti dan Timbalan Mufti bagi Wilayah-Wilayah Persekutuan.

(2) Apabila mula berkuatkuasanya seksyen ini, mana-mana orang yang, sebelum sahaja permulaan kuatkuasa itu, menjadi Mufti bagi Wilayah-Wilayah Persekutuan yang dilantik di bawah Enakmen hendaklah disifatkan sebagai telah dilantik sewajarnya di bawah seksyen ini sebagai Mufti bagi Wilayah-Wilayah Persekutuan dan hendaklah memegang jawatan demikian.

Kuasa Mufti.

33. Mufti hendaklah membantu dan menasihati Yang di-Pertuan Agong berkenaan dengan semua perkara Hukum Syarak, dan dalam semua perkara sedemikian hendaklah menjadi pihak berkuasa utama di Wilayah-Wilayah Persekutuan selepas Yang di-Pertuan Agong, kecuali jika diperuntukkan selainnya dalam Akta ini.

Fatwa.

34. (1) Mufti hendaklah, atas perintah Yang di-Pertuan Agong, dan bolehlah, atas kehendaknya sendiri atau atas permintaan mana-mana orang yang dibuat melalui surat yang ditujukan kepada Mufti, membuat dan menyiarkan dalam *Warta* suatu fatwa atau pendapat atas apa-apa persoalan yang belum diselesaikan atau yang menimbulkan pertikaian mengenai atau berhubungan dengan Hukum Syarak.

(2) Tiada pernyataan yang dibuat oleh Mufti boleh diambil sebagai fatwa melainkan jika dan sehingga pernyataan itu disiarkan dalam *Warta* menurut subseksyen (1).

(3) Apabila disiarkan dalam *Warta*, sesuatu fatwa hendaklah mengikat tiap-tiap orang Islam yang bermastautin di Wilayah-Wilayah Persekutuan sebagai ajaran agamanya dan hendaklah menjadi kewajibannya

di sisi agama untuk mematuhi dan berpegang dengan fatwa itu melainkan jika dia dibenarkan oleh Hukum Syarak tidak mengikut fatwa itu dalam perkara-perkara amalan, kepercayaan, atau pendapat peribadi.

(4) Sesuatu fatwa hendaklah diiktiraf oleh semua Mahkamah dalam Wilayah-Wilayah Persekutuan sebagai autoritatif mengenai semua perkara yang dinyatakan di dalamnya.

35. (1) Sesuatu fatwa hendaklah menyebut bahawa ia Bentuk fatwa.
dibuat menurut seksyen 34.

(2) Sesuatu fatwa hendaklah disiarkan dalam bahasa kebangsaan dalam tulisan Rumi, tetapi teks fatwa itu dalam tulisan Jawi boleh juga disiarkan.

36. (1) Mufti boleh meminda, mengubahsuaikan atau Pindaan, ubah-
suaian atau
pembatalan
fatwa
membatalkan mana-mana fatwa yang telah dikeluarkan sebelum itu olehnya atau oleh mana-mana Mufti terdahulu daripadanya.

(2) Sesuatu pindaan, ubahsuaian atau pembatalan sesuatu fatwa hendaklah disifatkan suatu fatwa dan peruntukan-peruntukan subseksyen (3) dan (4) seksyen 34 dan subseksyen (2) seksyen 35 hendaklah terpakai baginya.

(3) Sesuatu pindaan, ubahsuaian atau pembatalan sesuatu fatwa hendaklah menyebut bahawa ia dibuat menurut subseksyen (1),

37. (1) Maka hendaklah ada suatu jawatankuasa yang Jawatankuasa
Perundangan
Hukum Syarak.
dikenali sebagai Jawatankuasa Perundangan Hukum "Syarak.

(2) Jawatankuasa hendaklah terdiri daripada—

(a) Mufti, sebagai Pengerusi;

(b) Timbalan Mufti;

- (c) dua orang anggota Majlis yang dinamakan oleh Majlis;
- (d) tidak kurang daripada dua orang, yang layak dan sesuai, yang dilantik oleh Majlis; dan
- (e) seorang pegawai Jabatan Agama Islam Wilayah-Wilayah Persekutuan yang dilantik oleh Majlis, yang hendaklah menjadi Setiausaha.

(3) Orang-orang yang, sebelum sahaja mula berkuatkuasanya seksyen ini, telah dilantik sebagai anggota Jawatankuasa Undang-Undang Ugama yang ditubuhkan di bawah seksyen 40 Enakmen hendaklah, tertakluk kepada Akta ini, disifatkan telah dinamakan atau dilantik menjadi anggota Jawatankuasa Perundingan Hukum Syarak dan hendaklah terus menjadi anggota sehingga habis tempoh perlantikan mereka sekarang.

(4) Daripada orang-orang yang disebut dalam subseksyen (3), dua orang yang adalah anggota Majlis hendaklah disifatkan telah dinamakan di bawah perenggan (c) subseksyen (2) dan yang lainnya hendaklah disifatkan telah dilantik di bawah perenggan (d) subseksyen itu.

(5) Bilamana Mufti bercadang hendak membuat fatwa di bawah seksyen 34 dia hendaklah memanggil suatu mesyuarat Jawatankuasa bagi maksud membincangkan fatwa yang dicadangkan itu.

(6) Sebelum Mufti membuat fatwa, dia boleh menyebabkan kajian-kajian atau penyelidikan dijalankan sebagaimana yang diarahkan olehnya dan kertas kerja disediakan.

Permmtaan
pendapat
danpada
Mufti.

38. Walau apa pun mana-mana undang-undang bertulis yang Mufti tidaklah boleh disaman untuk memberikan pendapat atau keterangan berhubung dengan Hukum Syarak di mana-mana mahkamah sivil atau Mahkamah Syariah, tetapi jika dalam mana-mana mahkamah selain daripada Mahkamah Syariah, apa-apa persoalan Hukum Syarak perlu diputuskan, mahkamah itu boleh meminta

pendapat Mufti tentang persoalan itu, dan Mufti boleh memperakukan pendapatnya kepada mahkamah yang meminta itu.

39. (1) Dalam mengeluarkan apa-apa fatwa di bawah seksyen 34, atau memperakukan apa-apa pendapat di bawah seksyen 38, Mufti hendaklah pada lazimnya mengikut pandangan-pandangan diterima (qaul muktamad) Mazhab Syafie.

Nas-nas yang
hendaklah
diikuti

(2) Jika Mufti berpendapat bahawa dengan mengikut qaul muktamad Mazhab Syafie akan membawa kepada keadaan yang berlawanan dengan kepentingan awam, Mufti bolehlah mengikut qaul muktamad Mazhab Hanafi, Maliki atau Hanbali.

(3) Jika Mufti berpendapat bahawa tiada satu pun qaul muktamad daripada empat Mazhab itu boleh diikuti tanpa membawa kepada keadaan yang berlawanan dengan kepentingan awam, Mufti bolehlah menyelesaikan persoalan itu mengikut hematnya sendiri tanpa terikat dengan qaul muktamad daripada mana-mana Mazhab yang empat itu.

BAHAGIAN IV

MAHKAMAH SYARIAH

40. (1) Yang di-Pertuan Agong boleh, atas nasihat Menteri; melalui pemberitahuan dalam *Warta* menubuhkan Mahkamah-Mahkamah Rendah Syariah bagi Wilayah-Wilayah Persekutuan di tempat-tempat yang difikirkannya patut.

Penubuhan
Mahkamah
Syariah.

(2) Yang di-Pertuan Agong boleh, atas nasihat Menteri, melalui pemberitahuan dalam *Warta* menubuhkan suatu Mahkamah Tinggi Syariah bagi Wilayah-Wilayah Persekutuan.

(3) Yang di-Pertuan Agong boleh, atas nasihat Menteri, melalui pemberitahuan dalam *Warta* menubuhkan suatu Mahkamah Rayuan Syariah bagi Wilayah-Wilayah Persekutuan.

Ketua Hakim
Syarie.

41. (1) Yang di-Pertuan Agong boleh, atas nasihat Menteri, selepas berunding dengan Majlis, melantik seorang Ketua Hakim Syarie.

(2) Seseorang itu layak dilantik di bawah subseksyen

(1) jika—

(a) dia seorang warganegara; dan

(b) dia—

(i) selama tidak kurang daripada sepuluh tahun sebelum perlantikannya, telah memegang jawatan Hakim Mahkamah Tinggi Syariah atau Kathi atau Pendaftar atau Pendakwa Syarie sesuatu Negeri atau pada suatu masa memegang mana-mana satu daripada jawatan itu dan pada masa yang lain memegang mana-mana yang lain pula; atau

(ii) seorang yang arif tentang Hukum Syarak.

(3) Orang yang, sebelum sahaja mula berkuatkuasanya seksyen ini, memegang jawatan Kathi Besar di bawah subseksyen (1) seksyen 43 Enakmen dan melaksanakan fungsi-fungsi kehakiman hendaklah, apabila mula berkuatkuasanya seksyen ini, terus memegang jawatan sebagai Ketua Hakim Syarie seolah-olah dia telah dilantik di bawah subseksyen (1).

(4) Perlantikan di bawah seksyen ini hendaklah disiarkan dalam *Warta*.

Perlantikan
Hakim-Hakim
Mahkamah
Rayuan
Syariah.

42. (1) Yang di-Pertuan Agong boleh, atas nasihat Menteri, selepas berunding dengan Majlis, melantik, selama tempoh tidak melebihi tiga tahun, tidak lebih daripada tujuh orang Islam untuk menubuhkan suatu panel tetap hakim dan Ketua Hakim Syarie hendaklah memilih dua orang daripada kalangan mereka untuk membentuk kuorum hakim dalam Mahkamah Rayuan Syariah berkenaan dengan tiap-tiap pendengaran.

Pendaftar-
Pendaftar. 45. Yang di-Pertuan Agong boleh, atas nasihat Ketua Hakim Syarie, melantik, daripada kalangan anggota perkhidmatan awam am Persekutuan, seorang Ketua Pendaftar Mahkamah Rayuan Syariah, Pendaftar Mahkamah Tinggi Syariah dan Penolong-Penolong Pendaftar Mahkamah Rendah Syariah.

Bidang kuasa
Mahkamah
Tinggi
Syariah 46. (1) Mahkamah Tinggi Syariah hendaklah mempunyai bidang kuasa di seluruh Wilayah-Wilayah Persekutuan dan hendaklah diketuai oleh seorang Hakim Syarie.

(2) Mahkamah Tinggi Syariah hendaklah—

Akta 303

- (a) dalam bidang kuasa jenayahnya, membicarakan apa-apa kesalahan yang dilakukan oleh seseorang Islam dan boleh dihukum di bawah Enakmen atau Akta Undang-Undang Keluarga Islam (Wilayah-Wilayah Persekutuan) 1984, atau di bawah mana-mana undang-undang bertulis lain yang menetapkan kesalahan-kesalahan terhadap rukun-rukun agama Islam yang sedang berkuatkuasa, dan boleh mengenakan apa-apa hukuman yang diperuntukkan baginya;
- (b) dalam bidang kuasa malnya, mendengar dan memutuskan semua tindakan dan prosiding dalam mana semua pihak adalah orang Islam dan yang berhubungan dengan—
- (i) pertunangan, perkahwinan, ruju', perceraian, pembubaran perkahwinan (fasakh), nusyuz, atau pemisahan kehakiman (faraq) atau apa-apa perkara yang berkaitan dengan perhubungan di antara suami isteri;
 - (ii) apa-apa pelupusan atau tuntutan harta yang berbangkit daripada mana-mana perkara yang dinyatakan dalam subperenggan (i);
 - (iii) nafkah orang-orang tanggungan, kesahatarafan, atau penjagaan atau jagaan (hadhanah) budak-budak;

- (iv) pembahagian atau tuntutan harta sepen-
carian;
- (v) wasiat atau alang semasa marad-al-maut
seseorang si mati Islam;
- (vi) alang semasa hidup, atau penyelesaian
yang dibuat tanpa balasan yang memadai
dengan wang atau nilai wang, oleh
seseorang Islam;
- (vii) wakaf atau nazr;
- (viii) pembahagian dan pewarisan harta
berwasiat atau tak berwasiat;
- (ix) penentuan orang-orang yang berhak kepada
bahagian harta pusaka seseorang si mati
Islam atau bahagian-bahagian yang
kepadanya orang-orang itu masing-masing
berhak; atau
- (x) perkara-perkara lain yang berkenaan
dengannya bidang kuasa diberikan oleh
mana-mana undang-undang bertulis.

47. (1) Sesuatu Mahkamah Rendah Syariah hendaklah mempunyai bidang kuasa di seluruh Wilayah-Wilayah Persekutuan dan hendaklah diketuai oleh seorang Hakim Mahkamah Rendah Syariah.

Bidang kuasa
Mahkamah
Rendah
Syariah.

(2) Mahkamah Rendah Syariah hendaklah—

- (a) dalam bidang kuasa jenayahnya, membicarakan apa-apa kesalahan yang dilakukan oleh seseorang Islam di bawah Enakmen atau mana-mana undang-undang bertulis lain yang menetapkan kesalahan-kesalahan terhadap rukun-rukun agama Islam yang baginya hukuman maksimum yang diperuntukkan oleh Enakmen atau mana-mana undang-undang bertulis itu tidak melebihi dua ribu ringgit, atau pemenjaraan selama tempoh satu tahun atau kedua-duanya, dan boleh mengenakan mana-mana hukuman yang diperuntukkan baginya;

- (b) dalam bidang kuasa malnya, mendengar dan memutuskan semua tindakan dan prosiding yang Mahkamah Tinggi Syariah diberikuasa untuk mendengar dan rmemutuskannya, yang amaun atau nilai hal perkara yang dipertikaikan itu tidak melebihi lima puluh ribu ringgit atau tidak dapat dianggarkan dengan wang.

(3) Yang di-Pertuan Agong boleh dari semasa ke semasa melalui pemberitahuan dalam *Warta* memperluaskan bidang kuasa mal Mahkamah Rendah Syariah.

Rayuan ke
Mahkamah
Tinggi
Syariah.

48. (1) Rayuan boieh dibuat kepada Mahkamah Tinggi Syariah daripada apa-apa keputusan sesuatu Mahkamah Rendah Syariah—

- (a) dalam bidang kuasa jenayahnya, oleh pihak pendakwa atau oleh orang yang telah disabitkan, dan rayuan itu boleh sama ada terhadap pembebasan, sabitan atau hukuman atau mana-mana daripadanya;
- (b) dalam bidang kuasa malnya—
- (i) oleh mana-mana orang yang terkilan dengan keputusan itu, jika amaun yang dituntut itu tidak kurang daripada satu ribu ringgit;
- (ii) dalam semua kes yang melibatkan apa-apa keputusan mengenai taraf diri, oleh mana-mana orang yang terkilan dengan keputusan itu;
- (iii) dalam semua kes yang berhubungan dengan nafkah orang-orang tanggungan, oleh mana-mana orang yang terkilan dengan keputusan itu,

tetapi tiada rayuan boleh dibuat terhadap keputusan yang telah dibuat dengan persetujuan; dan

- (c) dalam apa-apa kes lain, jika Mahkamah Tinggi Syariah memberikan kebenaran untuk merayu.

(2) Dalam mana-mana rayuan, Mahkamah Tinggi Syariah boleh—

- (a) dalam perkara jenayah, menolak rayuan, mensabitkan dan menghukum pihak yang merayu, memerintahkan Mahkamah perbicaraan memanggil pembelaan atau membuat siasatan lanjut, menambah atau meminda bentuk hukuman, memerintahkan perbicaraan semula, atau meminda, atau mengakaskan apa-apa perintah Mahkamah perbicaraan;
- (b) dalam perkara mal, mengesahkan, mengakaskan atau mengubah keputusan Mahkamah perbicaraan, menjatankan mana-mana kuasa yang boleh dijalankan oleh Mahkamah perbicaraan, membuat apa-apa perintah yang sepatutnya dibuat oleh Mahkamah perbicaraan, atau memerintahkan perbicaraan semula.

49. (1) Suatu rayuan atau permohonan bagi kebenaran untuk merayu di bawah perenggan (c) subseksyen (1) seksyen 48 hendaklah dibuat kepada Mahkamah Tinggi Syariah mengikut apa-apa cara yang ditetapkan, tetapi dalam apa-apa keadaan hendaklah dalam tempoh empat belas hari dari tarikh penghakiman, perintah atau keputusan yang berkenaan dengannya permohonan itu dibuat atau, dalam keadaan apabila pemohon tidak mengetahuinya pada tarikh itu dan tidak dengan menjalankan usaha yang munasabah boleh mengetahuinya, dalam tempoh empat belas hari dari tarikh penghakiman, perintah, atau keputusan itu sampai kepada pengetahuannya.

Permohonan
untuk kebenaran
merayu.

(2) Mahkamah Tinggi Syariah, apabila mendengar mana-mana permohonan bagi kebenaran untuk merayu, boleh atas alasan khas melanjutkan masa untuk merayu, walaupun masanya telah habis tempoh.

50. Jika dalam perjalanan mana-mana prosiding yang berhubungan dengan pentadbiran atau pembahagian harta pusaka seseorang si mati Islam, mana-mana mahkamah atau pihak berkuasa, selain daripada

Perakuan-
perakuan
pewarisan.

Mahkamah Tinggi Syariah atau suatu Mahkamah Rendah Syariah, adalah mempunyai kewajiban untuk menentukan orang-orang yang berhak kepada bahagian dalam harta pusaka itu, atau bahagian-bahagian yang kepadanya orang-orang itu masing-masingnya berhak, Mahkamah Syariah bolehlah, atas permohonan mana-mana orang yang menuntut bahawa dia menjadi benefisiari, atau wakilnya dan setelah dibayar olehnya fee yang ditetapkan, memperakukan fakta-fakta yang didapati olehnya dan pendapatnya mengenai orang-orang yang berhak kepada bahagian dalam harta pusaka itu dan mengenai bahagian-bahagian yang padanya mereka masing-masingnya berhak.

Bidang kuasa
pengawasan
dan
penyemakan
Mahkamah
Tinggi
Syariah.

51. (1) Mahkamah Tinggi Syariah hendaklah mempunyai bidang kuasa pengawasan dan penyemakan ke atas semua Mahkamah Rendah Syariah dan boleh, jika nampaknya dikehendaki demi kepentingan keadilan, sama ada atas kehendaknya sendiri atau atas kehendak mana-mana pihak atau orang yang berkepentingan, pada mana-mana peringkat dalam apa-apa perkara atau prosiding, sama ada mal atau jenayah, dalam mana-mana Mahkamah Rendah Syariah, memanggil dan memeriksa mana-mana rekod mengenainya dan boleh memberikan apa-apa arahan yang dikehendaki demi keadilan.

(2) Bilamana Mahkamah Tinggi Syariah memanggil rekod di bawah subseksyen (1), semua prosiding dalam Mahkamah Rendah Syariah mengenai perkara atau prosiding yang berkenaan itu hendaklah digantung sementara menanti perintah selanjutnya daripada Mahkamah Tinggi Syariah.

Bidang kuasa
Mahkamah
Rayuan
Syariah.

52. (1) Mahkamah Rayuan Syariah hendaklah mempunyai bidang kuasa untuk mendengar dan memutuskan apa-apa rayuan terhadap apa-apa keputusan yang dibuat oleh Mahkamah Tinggi Syariah dalam menjalankan bidang kuasa asalnya.

(2) Apabila suatu rayuan daripada suatu keputusan Mahkamah Rendah Syariah telah diputuskan oleh Mahkamah Tinggi Syariah, Mahkamah Rayuan Syariah

boleh atas permohonan mana-mana pihak memberikan kebenaran bagi pemutusan olehnya sendiri apa-apa persoalan undang-undang berkepentingan awam yang telah timbul dalam perjalanan rayuan itu dan yang keputusannya oleh Mahkamah Tinggi Syariah telah menyentuh keputusan rayuan itu.

(3) Apabila kebenaran telah diberikan oleh Mahkamah Rayuan Syariah, ia hendaklah mendengar dan memutuskan persoalan yang dibenarkan dirujukkan bagi keputusannya dan membuat apa-apa perintah yang boleh dibuat oleh Mahkamah Tinggi Syariah, dan sebagaimana yang difikirkannya adil bagi pembersan rayuan itu.

53. (1) Mahkamah Rayuan Syariah hendaklah mempunyai bidang kuasa pengawasan dan penyemakan ke atas Mahkamah Tinggi Syariah dan boleh, jika nampaknya dikehendaki demi kepentingan keadilan, sama ada atas kehendaknya sendiri atau atas kehendak mana-mana pihak atau orang yang berkepentingan, pada mana-mana peringkat dalam apa-apa perkara atau prosiding, sarna ada mal atau jenayah, dalam Mahkamah Tinggi Syariah, memanggil dan memeriksa mana-mana rekod mengenainya dan boleh memberikan apa-apa arahan yang dikehendaki demi keadilan.

Bidang kuasa
pengawasan
dan penye-
makan
Mahkamah
Rayuan
Syariah.

(2) Bilamana Mahkamah Rayuan Syariah memanggil rekod di bawah subseksyen (1), semua prosiding dalam Mahkamah Tinggi Syariah mengenai perkara atau prosiding yang berkenaan itu hendaklah digantung sementara menanti perintah selanjutnya daripada Mahkamah Rayuan Syariah.

54. (1) Sesuatu rayuan dalam Mahkamah Rayuan Syariah hendaklah didengar dan dibereskan oleh seorang pengerusi dan mana-mana dua orang Hakim Mahkamah Rayuan Syariah sebagaimana yang ditentukan oleh Ketua Hakim Syarie.

Keanggotaan
Mahkamah
Rayuan
Syariah

(2) Walau apa pun seksyen 42 Akta ini, Ketua Hakim Syarie boleh melantik mana-mana Hakim Mahkamah Tinggi Syariah untuk menjadi seorang anggota

BAHAGIAN V

PENDAKWAAN DAN PERWAKILAN

58. (1) Yang di-Pertuan Agong boleh atas nasihat Menteri, melantik seorang, yang berkelayakan menjadi Hakim Mahkamah Tinggi Syariah, menjadi Ketua Pendakwa Syarie.

Perlantikan
Pendakwa-
Pendakwa
Syarie dan
Pegawai-
Pegawai
Penguatkuasa
Agama.

(2) Ketua Pendakwa Syarie hendaklah mempunyai kuasa yang boleh dijalankan menurut budi bicaranya bagi memulakan dan menjalankan apa-apa prosiding bagi sesuatu kesalahan di hadapan Mahkamah Syariah.

(3) Ketua Pendakwa Syarie bolehlah melantik orang-orang yang layak dan sesuai daripada kalangan anggota perkhidmatan awam am Persekutuan menjadi Pendakwa-Pendakwa Syarie yang hendaklah bertindak di bawah kawalan am dan arahan Ketua Pendakwa Syarie dan boleh menjalankan semua atau mana-mana hak dan kuasa yang terletak pada atau yang boleh dijalankan oleh Ketua Pendakwa Syarie sendiri.

(4) Majlis boleh melantik daripada kalangan anggota perkhidmatan awam am Persekutuan seorang Ketua Pegawai Penguatkuasa Agama dan Pegawai-Pegawai Penguatkuasa Agama untuk menjalankan penyiasatan kesalahan-kesalahan di bawah Enakmen atau di bawah mana-mana undang-undang bertulis lain yang menetapkan kesalahan-kesalahan terhadap rukun-rukun agama Islam.

59. (1) Majlis boleh, apabila dibayar fee yang ditetapkan, menerima orang-orang yang mempunyai pengetahuan yang mencukupi tentang Hukum Syarak menjadi Peguam Syarie untuk mewakili pihak-pihak dalam apa-apa prosiding di hadapan mana-mana Mahkamah Syariah.

Peguam Syarie.

(2) Majlis boleh, dengan kelulusan Yang di-Pertuan Agong, membuat kaedah-kaedah—

(a) untuk mengadakan peruntukan bagi prosedur, kelayakan-kelayakan dan fee-fee bagi penerimaan Peguam Syarie; dan

(b) untuk mengawalselia, mengawal dan mengawasi kelakuan Peguam Syarie.

(3) Walau apa pun apa-apa jua yang terkandung dalam mana-mana undang-undang bertulis lain, tiada seorang pun selain daripada Peguam Syarie berhak hadir dalam mana-mana Mahkamah Syariah bagi pihak mana-mana pihak kepada apa-apa prosiding di hadapannya.

BAHAGIAN VI

KEWANGAN

Amanah Khairat

Penubuhan
Baitulmal.

60. (1) Suatu Kumpulan Wang yang dikenali sebagai Baitulmal adalah dengan ini ditubuhkan. Kumpulan Wang itu hendaklah terdiri daripada semua wang dan harta, aiih atau tak alih, yang menurut Hukum Syarak atau di bawah peruntukan-peruntukan Akta ini atau kaedah-kaedah yang dibuat di bawahnya terakru, atau disumbangkan oleh mana-mana orang, kepada Kumpulan Wang.

(2) Semua wang dan harta dalam Kumpulan Wang hendaklah terletak pada Majlis yang hendaklah mentadbirkan semua wang dan harta itu mengikut kaedah-kaedah yang dibuat di bawah Akta ini;

Dengan syarat bahawa mana-mana pelaburan aset dan kumpulan-kumpulan wang yang dilaburkan pada Majlis boleh dijual, dihasilkan dan dilupuskan, dan hasil-hasil daripadanya boleh dilaburkan dari semasa ke semasa dalam mana-mana pelaburan yang dibenarkan oleh mana-mana undang-undang bertulis yang sedang berkuatkuasa bagi pelaburan wang amanah.

(3) Tertakluk kepada peruntukan-peruntukan Akta ini, Majlis, dengan kelulusan Yang di-Pertuan Agong, boleh membuat kaedah-kaedah bagi pemungutan, pentadbiran dan pembahagian semua harta Kumpulan Wang.

61. Walau apa pun apa-apa peruntukan yang bertentangan yang terkandung dalam mana-mana suratcara atau perisytiharan yang mewujudkan, mengawal, atau menyentuh perkara itu, Majlis hendaklah menjadi pemegang amanah yang tunggal bagi semua wakaf, sama ada wakaf am atau wakaf khas, semua nazr 'am, dan semua amanah daripada segala perihal yang mewujudkan apa-apa amanah khairat bagi menyokong dan memajukan agama Islam atau bagi faedah orang-orang Islam mengikut Hukum Syarak, setakat mana-mana harta yang tersentuh olehnya dan terletak di dalam Wilayah-Wilayah Persekutuan dan, jika pemberi harta itu.atau orang lain yang mewujudkan amanah, wakaf atau nazr 'am itu telah berdomisil di Wilayah-Wilayah Persekutuan, setakat semua harta yang tersentuh olehnya di mana-mana jua harta itu terletak.

Wakaf dan nazr.

62. (1) Semua harta yang tertakluk kepada peruntukan-peruntukan seksyen 61 dan terletak di dalam Wilayah-Wilayah Persekutuan, hendaklah, tanpa apa-apa pemindahhakan, penyerahhakan atau pemindahmilikan jua pun, dan, dalam hal harta tak alih, sebaik sahaja didaftarkan di bawah Kanun Tanah Negara, terletakhakah pada Majlis, bagi maksud-maksud amanah, wakaf atau nazr 'am yang menyentuh harta itu.

Perletakahkan.

Akta 56165.

(2) Majlis hendaklah mengambil segala langkah perlu untuk meletakhak pada Majlis bagi maksud-maksud yang serupa mana-mana harta sedemikian yang terletak di luar Wilayah-Wilayah Persekutuan.

63. (1) Sama ada atau tidak dibuat secara wasiat atau alang semasa marad-al-maut, tiada wakaf atau nazr yang dibuat selepas mula berkuatkuasanya Akta ini dan melibatkan lebih daripada satu pertiga daripada harta orang yang membuatnya boleh menjadi sah berkenaan dengan bahagian yang melebihi satu pertiga itu.

Sekatan-sekatan ke atas pewujudan amanah khairal.

(2) Tiap-tiap wakaf khas atau nazr yang dibuat selepas mula berkuatkuasanya Akta ini adalah batal dan tak sah melainkan jika—

(a) Yang di-Pertuan Agong, atas nasihat Majlis, dengan nyata memperkenankan dan mengesahkannya; atau

(b) ia telah dibuat semasa pembuatnya sakit tenat dan kemudian meninggal dunia akibat sakit itu dan telah dibuat secara bertulis melalui suratcara yang disempurnakan olehnya dan disaksikan oleh dua orang Islam dewasa yang tinggal di kariah masjid yang sama dengan pembuat itu.

(3) Seksyen ini tidaklah berkuatkuasa untuk menjadikan sah mana-mana wasiat, alang semasa marad-al-maut, wakaf atau nazr yang tak sah di bawah peruntukan-peruntukan Hukum Syarak.

Pendapatan dan pada wakaf dan nazr.

64. (1) Pendapatan daripada sesuatu wakaf khas, jika diterima oleh Majlis, hendaklah digunakan olehnya mengikut peruntukan-peruntukan yang sah bagi wakaf khas itu.

(2) Pendapatan daripada tiap-tiap wakaf lain dan tiap-tiap nazr 'am hendaklah dibayar kepada dan menjadi sebahagian daripada Kumpulan Wang.

Modal wakaf dan nazr'am.

65. (1) Tertakluk kepada peruntukan-peruntukan dan subseksyen (2) dan (3), harta dan aset modal yang tersentuh oleh mana-mana wakaf atau nazr am yang sah tidak boleh menjadi sebahagian daripada Kumpulan Wang, tetapi hendaklah digunakan menurut wakaf atau nazr 'am itu dan dipegang sebagai wang yang berasingan.

(2) Jika, oleh sebab lampau masa atau perubahan hal keadaan, maka tidak mungkin lagi dapat dijalankan secara berfaedah peruntukan-peruntukan tepat bagi

mana-mana wakaf atau nazr 'am, Majlis hendaklah menyediakan suatu skim bagi menggunakan harta dan aset yang tersentuh olehnya dengan cara yang sehampir mungkin sama dengan yang dikehendaki oleh terma-terma wakaf atau nazr 'am itu, dan hendaklah menggunakannya dengan sewajarnya:

Dengan syarat bahawa Majlis boleh, dengan kelulusan bertulis daripada Yang di-Pertuan Agong, mengarahkan supaya harta dan aset itu hendaklah ditambahkan kepada dan menjadi sebahagian daripada Kumpulan Wang.

(3) Jika terma-terma mana-mana wakaf atau nazr 'am tidak menyatakan cara penggunaan harta dan aset modal yang tersentuh olehnya, atau ada ketentuan tentang cara bagaimana ia hendak digunakan, Majlis boleh mengarahkan supaya cara penggunaan harta dan aset modal itu ditambahkan kepada dan menjadi sebahagian daripada Kumpulan Wang.

(4) Segala suratcara yang mewujudkan, yang menjadi keterangan, atau yang menyentuh mana-mana wakaf atau nazr 'am, berserta dengan mana-mana dokumen hakmilik atau cagaran lain yang berhubungan dengannya, hendaklah dipegang dan disimpan oleh Majlis.

66. Jika, pada pendapat Majlis makna atau natijah mana-mana suratcara atau perisytiharan yang mewujudkan atau menyentuh mana-mana wakaf atau nazr adalah samar-samar atau tak berketentuan, Majlis bolehlah merujuk perkara itu kepada Mufti bagi mendapatkan pendapatnya tentang makna dan natijah itu, dan hendaklah beriindak menurut apa-apa pendapat yang diberikan sedemikian oleh Mufti.

Pengertian
suratcara.

67. Peruntukan-peruntukan Akta Badan Berkanun (Akaun dan Laporan Tahunan)1980 hendaklah terpakai bagi Majlis dan bagi mana-mana perbadanan yang ditubuhkan di bawah Akta ini.

Akaun dan
laporan
tahunan.
Akta 240.

Harta wakaf
dan nazr.

68. Dengan seberapa segera yang mungkin selepas 31 haribulan Disember tiap-tiap tahun, Majlis hendaklah menyediakan, mengeluarkan dan menyiarkan dalam *Warta* satu senarai semua harta, pelaburan dan aset yang terletak pada Majlis tertakluk kepada mana-mana amanah, wakaf atau nazr, dan yang tidak menjadi sebahagian daripada Kumpulan Wang.

Anggaran-
anggaran.

69. (1) Majlis hendaklah menyediakan dan mempersembahkan kepada Yang di-Pertuan Agong tidak lewat daripada 31 haribulan Oktober dalam setiap tahun, anggaran-anggaran kesemua pendapatan dan perbelanjaan Majlis, termasuk di dalamnya anggaran-anggaran segala harta yang boleh diterima dan boleh dilupuskan dalam bentuk barang-barang, berkenaan dengan tahun yang berikut. Yang di-Pertuan Agong, atas nasihat Menteri, boleh meluluskan anggaran-anggaran itu atau boleh mengarahkan supaya ia dipinda. Apabila telah diluluskan atau dipinda sedemikian, anggaran-anggaran tersebut hendaklah disiarkan dalam *Warta*.

(2) Majlis boleh pada bila-bila masa mempersembahkan kepada Yang di-Pertuan Agong anggaran-anggaran perbelanjaan tambahan berkenaan dengan tahun semasa, atau, pada bila-bila masa sebelum 31 haribulan Mac dalam mana-mana tahun, berkenaan dengan tahun yang lalu, dan anggaran itu boleh diluluskan atau dipinda, dan hendaklah disiarkan, mengikut cara yang serupa.

(3) Tiada wang boleh dibelanjakan, atau harta dilupuskan dalam bentuk barang-barang, kecuali mengikut anggaran-anggaran seperti yang disebut terdahulu itu dan atas baucer yang ditandatangani oleh Pengerusi atau mana-mana pegawai Majlis atau mana-mana pegawai lain yang diberikuasa oleh Pengerusi.

Perbelanjaan
Majlis

70. Semua kos, bayaran dan belanja mentadbir harta dan aset yang terletak pada Majlis, termasuk kos penyenggaraan dan pembaikan mana-mana harta tak alih, gaji dan elaun semua pengkhidmat Majlis, dan fee dan elaun yang kena dibayar kepada mana-mana pegawai atau anggota Majlis berkenaan dengan perkhidmatannya sebagai yang demikian, hendaklah dibayar daripada harta aset Kumpulan Wang.

71. (1) Majlis hendaklah melantik mana-mana jurubank yang sesuai dan boleh mengendalikan apa-apa akaun atau akaun-akaun yang difikirkan patut. Jurubank.

(2) Pembayaran-pembayaran oleh Majlis amaun-amaun yang melebihi lima puluh ringgit hendaklah dibuat melalui cek. Semua wang yang diterima oleh atau untuk Majlis hendaklah dibayar ke dalam suatu akaun bank Majlis mengikut cara yang diperuntukkan dalam Prosedur Kewangan Majlis.

(3) Cek-cek yang dikeluarkan daripada mana-mana akaun bank Majlis hendaklah ditandatangani oleh Pengerusi atau oleh mana-mana anggota atau pegawai Majlis atau mana-mana pegawai lain yang diberikuasa oleh Pengerusi.

BAHAGIAN VII

MASJID

72. Walau apa pun apa-apa peruntukan yang bertentangan dalam mana-mana suratcara bertulis, Majlis hendaklah menjadi pemegang amanah bagi semua masjid dalam Wilayah-Wilayah Persekutuan; dan tiap-tiap masjid, bersama dengan tanah yang di atasnya terdiri masjid itu dan mana-mana tanah yang berhubungan dengan dan digunakan bagi maksud-maksud masjid itu, selain daripada tanah Kerajaan atau tanah yang dirizab bagi maksud awam, hendaklah, sebaik sahaja didaftarkan di bawah Kanun Tanah Negara dan tanpa apa-apa pemindahhakan, penyerahhakan, atau pemindahmilikan, terletak pada Majlis bagi maksud-maksud Akta ini. Peramanan masjid-masjid dan tanah-tanah yang berkaitan.

Akta 56165.

73. (1) Tiada seorang pun boleh, tanpa kebenaran bertulis daripada Majlis, mendirikan apa-apa bangunan yang hendak digunakan sebagai masjid, atau selainnya menggunakan mana-mana bangunan bagi maksud-maksud sesuatu masjid, atau menyebabkan atau membenarkan mana-mana bangunan digunakan sebagai masjid. Sekatan ke atas penubuhan masjid.

(2) Majlis tidak boleh memberikan kebenarannya di bawah subseksyen (1) melainkan jika tapak bangunan bagi masjid yang dicadangkan itu telah dijadikan wakaf yang berkekalan.

Penyeng-
garaan masjid
dan kawasarnya

74. (1) Majlis hendaklah memastikan bahawa semua masjid dalam Wilayah-Wilayah Persekutuan adalah disenggarakan dalam keadaan pembaikan yang sepatutnya dan bahawa kawasan-kawasannya disenggarakan dalam keadaan kebersihan yang sepatutnya; dan Majlis boleh memperdapatkan dan menggunakan, atau membenarkan pemerdapatkan dan penggunaan, wang khas bagi maksud pembaikan dan penyenggaraan itu, atau bolehlah membayar kos pembaikan dan penyenggaraan itu daripada Kumpulan Wang.

(2) Naqib Masjid atau Imam hendaklah dengan segera memberitahu Majlis tentang apa-apa keadaan yang memerlukan pembaikan dalam masjidnya, dan hendaklah memeriksa atau mengawasi mana-mana pembaikan itu sebagai ejen untuk dan bagi pihak Majlis.

(3) Tiada perubahan material kepada struktur masjid boleh dibuat tanpa kebenaran bertulis daripada Majlis.

(4) Majlis boleh mengarahkan sesuatu jawatankuasa kariah supaya menyenggarakan masjid yang di bawah tanggungjawabnya di dalam keadaan pembaikan yang sepatutnya.

Sempadan
kariah
masjid.

75. Majlis boleh pada bila-bila masa melalui pemberitahuan dalam *Warta* menentukan, meminda, atau mengubah sempadan mana-mana kariah masjid.

Perlantikan
Pegawai
Masjid.

76. (1) Bagi tiap-tiap masjid dalam Wilayah-Wilayah Persekutuan hendaklah dilantik seorang Naqib Masjid, seorang Imam, seorang Imam Ratib, seorang Bilal dan seorang Pembantu Bilal.

(2) Jawatan-jawatan Naqib Masjid, Imam dan Bilal hendaklah menjadi jawatan-jawatan dalam perkhidmatan awam am Persekutuan.

(3) Naqib Masjid, Imam dan Bilal hendaklah dilantik oleh Majlis daripada kalangan orang yang berkhidmat dalam perkhidmatan Pentadbiran Agama.

(4) Imam Ratib dan Pembantu Bilal hendaklah dilantik oleh Majlis, atas nasihat Jawatankuasa Perundingan Hukum Syarak, daripada kalangan anak kariah.

(5) Apabila mula berkuatkuasanya seksyen ini, tiap-tiap orang yang sebelum sahaja mula berkuatkuasanya seksyen ini, telah menjadi Imam dan Bilal suatu masjid yang dilantik di bawah Enakmen, hendaklah disifatkan sebagai telah dilantik sewajarnya di bawah seksyen ini sebagai Imam atau Bilal masjid itu masing-masingnya dan hendaklah, tertakluk kepada seksyen 78, terus memegang jawatan sebagai yang demikian.

77. (1) Tiap-tiap orang yang dilantik oleh Majlis menjadi Pegawai Masjid, termasuk tiap-tiap orang yang disifatkan telah dilantik sedemikian di bawah subseksyen (5) seksyen 76, hendaklah diberi tauliah oleh Majlis. Tauliah.

(2) Tiap-tiap Pegawai Masjid hendaklah mempunyai kuasa-kuasa dan tugas-tugas yang dinyatakan dalam tauliah mereka masing-masing.

78. (1) Perlantikan seseorang Pegawai Masjid boleh ditamatkan melalui notis daripada Majlis. Tempoh jawatan Pegawai Masjid.

(2) Tiada seorang pun Imam Ratib dan Pembantu Bilal boleh terus memegang jawatan itu selepas mencapai umur enam puluh tahun.

(3) Adalah menjadi kewajipan Setiausaha untuk membawa kepada pengetahuan Majlis apa-apa kelakuan keji mana-mana Pegawai Masjid, sama ada berhubungan dengan tugas-tugasnya sebagai yang demikian atau selainnya, dan untuk membuat apa-apa syor yang munasabah.

- Kawalan dan arahan ke atas Pegawai Masjid. 79. Dalam pelaksanaan tugas-tugas mereka, Imam, Imam Ratib, Bilal dan Pembantu Bilal hendaklah tertakluk kepada kawalan dan arahan Naqib Masjid.
- Penghapusan jawatan Nazir, 80. Apabila mula berkuatkuasanya seksyen 76, jawatan Nazir masjid tidak lagi wujud.
- Jawatankuasa kanah. 81. (1) Majlis boleh, dengan kelulusan Yang di-Pertuan Agung, membuat kaedah-kaedah bagi—
(a) penubuhan sesuatu jawatankuasa kariah;
(b) menetapkan cara bagaimana anggota-anggota jawatankuasa kariah itu hendaklah dilantik; dan
(c) menetapkan fungsi-fungsi jawatankuasa kariah.
(2) Jawatankuasa kariah, bersama-sama dengan Pegawai Masjid, hendaklah—
(a) bertanggungjawab bagi pengelolaan sempurna dan keadaan baik bagi masjid dan semua tanah perkuburan Islam dalam kariahnya;
(b) bertanggungjawab bagi kelakuan anak kariah dalam perkara-perkara yang berhubungan dengan agama Islam; dan
(c) memberikan maklumat wajar dan segera kepada Majlis tentang semua perkara yang berbangkit dalam kariah itu yang menghendaki perhatian Majlis.
- Pengecualian 82. (1) Majlis boleh, melalui pemberitahuan dalam *Warta*, mengecualikan mana-mana masjid daripada semua atau mana-mana peruntukan Bahagian ini.
(2) Peruntukan-peruntukan Bahagian ini, kecuali seksyen 72, tidaklah terpakai bagi Masjid Negara.
- Kuasa meminda Jadual Ketiga 83. Majlis boleh, dari semasa ke semasa, meminda Jadual Ketiga melalui pemberitahuan dalam *Warta*,

BAHAGIAN VIII

PUNGUTAN KHAIRAT

84. (1) Majlis boleh memungut, atau memberikan surat kebenaran dengan terma-terma yang difikirkannya patut kepada mana-mana orang atau kumpulan orang, membenarkan orang atau kumpulan orang itu memungut wang atau sumbangan-sumbangan lain bagi apa-apa maksud khairat bagi menyokong dan memajukan agama Islam atau bagi faedah orang-orang Islam mengikut Hukum Syarak. Pungutan khairat.

(2) Maka hendaklah disifatkan sebagai suatu terma tiap-tiap surat kebenaran itu bahawa penerima kebenaran itu dan tiap-tiap orang lain yang dibenarkan melaluinya untuk memungut wang atau sumbangan lain hendaklah—

- (a) mengeluarkan berkeenaan dengan tiap-tiap jumlah wang yang dipungut sedemikian suatu resit mengikut nombor siri dalam borang yang ditetapkan;
- (b) menyimpan akaun-akaun yang benar dan lengkap bagi semua jumlah wang yang dipungut sedemikian dan tentang pelupusannya dengan semua baucer yang sepatutnya;
- (c) mengemukakan apabila dituntut potongan resit dan semua akaun dan baucer-baucer itu bagi pemeriksaan dan pengauditan oleh Majlis;
- (d) menggunakan dan melupuskan semua jumlah wang yang dipungut sedemikian mengikut terma-terma surat kebenaran itu atau jika tiada cara melupuskan wang itu dibenarkan dengan nyata olehnya, membayar dan mengakaunkannya kepada Baitulmal.

(3) Wang yang dipungut menurut seksyen ini bolehlah digunakan bagi apa-apa maksud yang dinyatakan oleh Majlis, dan jika tiada maksud

dinyatakan sedemikian, hendaklah menjadi sebahagian daripada Kumpulan Wang.

(4) Tiada seorang pun boleh membuat atau mengambil bahagian dalam apa-apa pungutan wang bagi apa-apa maksud seperti yang disebut terdahulu itu kecuali dengan kuasa nyata daripada Majlis atau menurut kuasa surat kebenaran di bawah subseksyen (1).

(5) Mana-mana orang yang melanggar subseksyen (4) adalah melakukan suatu kesalahan dan apabila disabitkan boleh dipenjarakan selama tempoh tidak melebihi enam bulan atau didenda tidak melebihi satu ribu ringgit atau kedua-duanya.

BAHAGIAN IX

MASUK ISLAM

Kehendak-kehendak bagi masuk Islam.

85. (1) Kehendak-kehendak yang berikut hendaklah dipatuhi bagi kemasukan sah seseorang itu ke dalam agama IsJam:

- (a) orang itu mestilah mengucapkan dua kalimah Syahadah dalam bahasa Arab secara yang semunasabahnya jelas;
- (b) pada masa mengucap dua kalimah Syahadah itu, orang itu mestilah sedar bahawa ia bermakna "Aku naik saksi bahawa tiada tuhan melainkan Allah dan aku naik saksi bahawa Nabi Muhammad S.A.W. ialah Pesuruh Allah"; dan
- (c) pengucapan itu mestilah dibuat dengan kerelaan hati orang itu sendiri.

(2) Seseorang yang tiada dapat bercakap boleh, bagi maksud memenuhi kehendak perenggan (a) subseksyen (1), mengucapkan dua kalimah Syahadah dengan cara isyarat yang menunjukkan makna yang dinyatakan dalam perenggan (b) subseksyen itu.

86. Seseorang itu masuk Islam dan menjadi seorang Islam sebaik-baik sahaja dia habis mengucap dua kalimah Syahadah dengan syarat bahawa kehendak-kehendak seksyen 85 adalah dipenuhi, dan orang itu hendaklah selepas itu disebut sebagai seorang muallaf.

Saat masuk Islam.

87. Dari saat kemasukannya, seseorang muallaf menjadi tertakluk kepada tugas-tugas dan kewajipan-kewajipan yang sama seperti mana-mana orang Islam yang lain.

Tugas-tugas dan kewajipan-kewajipan seseorang muallaf.

88. Seseorang Pendaftar Muallaf hendaklah dilantik oleh Majlis untuk menyenggarakan suatu Daftar Muallaf dalam bentuk yang ditetapkan untuk pendaftaran muallaf.

Pendaftar dan Daftar Muallaf.

89. (1) Seseorang yang telah masuk Islam boleh memohon kepada Pendaftar dalam borang yang ditetapkan untuk pendaftaran sebagai seorang muallaf.

Pendaftaran muallaf.

(2) Jika Pendaftar berpuas hati bahawa kehendak-kehendak seksyen 85 telah dipenuhi berkenaan dengan orang itu, Pendaftar boleh mendaftarkan kemasukan Islam orang itu dengan mencatatkan dalam Daftar Muallaf nama orang itu dan butir-butir lain sebagaimana yang dikehendaki dalam Daftar.

(3) Pendaftar hendaklah juga menentukan tarikh masuk Islam dan mencatatkan tarikh itu dalam Daftar Muallaf.

(4) Untuk memuaskan hatinya akan hal dan tarikh masuk Islam, dan butir-butir lain yang hendak dicatatkan dalam Daftar Muallaf, Pendaftar boleh membuat siasatan-siasatan dan memanggil apa-apa keterangan sebagaimana yang dia fikirkan perlu, tetapi subseksyen ini tidak boleh ditafsirkan sebagai menghalang Pendaftar daripada hanya bergantung kepada kata pemohon bagi kemasukan Islam itu setakat yang berkenaan dengan hal dan tarikh masuk Islam itu.

(5) Jika Pendaftar tidak berpuas hati bahawa kehendak-kehendak seksyen 85 telah dipenuhi berkenaan dengan pemohon bagi kemasukan Islam, dia

boleh membenarkan pemohon itu mengucap, di hadapannya atau di hadapan mana-mana pegawainya, dua kalimah Syahadah mengikut kehendak-kehendak seksyen itu.

Perakuan
Masuk Islam.

90. (1) Pendaftar hendaklah memberikan kepada tiap-tiap orang yang kemasukan Islamnya telah didaftarkan suatu Perakuan Masuk Islam dalam borang yang ditetapkan.

(2) Perakuan Masuk Islam hendaklah menjadi bukti muktamad akan hal-hal yang dinyatakan di dalamnya.

Pengiktirafan
muallaf
sebagai orang
Islam.

91. (1) Seseorang yang telah masuk Islam dan telah didaftarkan dalam Daftar Muallaf hendaklah, bagi maksud mana-mana undang-undang Persekutuan atau Negeri, dan untuk semua masa, diperlakukan sebagai seorang Islam.

(2) Seseorang yang kemasukan Islamnya dan telah didaftarkan di bawah mana-mana undang-undang mana-mana Negeri hendaklah, bagi semua maksud di Wilayah-Wilayah Persekutuan dan bagi maksud-maksud menguatkuasakan di Wilayah-Wilayah Persekutuan peruntukan-peruntukan mana-mana undang-undang, diperlakukan sebagai seorang Islam.

Menentukan
sama ada
orang yang
tak
didaftarkan
ialah seorang
muallaf

92. Jika apa-apa soalan timbul dalam Wilayah-Wilayah Persekutuan sama ada seseorang itu adalah seorang muallaf, dan orang itu tidak didaftarkan dalam Daftar Muallaf atau di bawah mana-mana undang-undang mana-mana Negeri sebagai seorang muallaf, soalan itu hendaklah diputuskan berdasarkan kepada merit kes itu mengikut seksyen 85.

Kesalahan
memberi
maklumat
palsu.

93. Mana-mana orang yang, dalam sesuatu permohonan untuk pendaftaran di bawah seksyen 89, atau sebagai jawapan kepada apa-apa permintaan untuk maklumat atau keterangan yang dibuat oleh Pendaftar di bawah seksyen itu, dengan sengaja memberi kepada Pendaftar apa-apa maklumat atau keterangan palsu atau yang mengelirukan adalah melakukan suatu kesalahan dan

apabila disabitkan boleh didenda tidak melebihi satu ribu ringgit atau dipenjarakan selama tempoh tidak melebihi enam bulan atau kedua-duanya.

94. Majlis boleh membuat kaedah-kaedah bagi melaksanakan peruntukan-peruntukan Bahagian ini.

Kuasa membuat kaedah-kaedah.

BAHAGIAN X

PENDIDIKAN AGAMA

95. (1) Majlis hendaklah melantik suatu jawatankuasa yang hendaklah dikenali sebagai Jawatankuasa Pengawasan Pengajaran Agama, yang hendaklah terdiri daripada—

Jawatankuasa Pengawasan Pengajaran Agama.

(a) seorang Pengerusi; dan

(b) tidak kurang daripada tiga orang yang mempunyai pengalaman, pengetahuan dan kepakaran yang sesuai.

(2) Setiausaha Majlis hendaklah menjadi setiausaha kepada jawatankuasa itu dan hendaklah bertanggungjawab bagi melaksanakan keputusan-keputusan jawatankuasa itu.

(3) Jawatankuasa hendaklah mempunyai kuasa untuk memberikan tauliah bagi maksud mengajar mengenai apa-apa aspek agama Islam dan untuk menarik balik tauliah sedemikian.

(4) Majlis, dengan kelulusan Menteri, boleh membuat kaedah-kaedah yang mengadakan peruntukan bagi—

(a) prosedur, kehendak-kehendak dan perkara-perkara lain berhubungan dengan pemberian tauliah di bawah seksyen ini, termasuk fee-fee yang boleh dikenakan;

(b) prosedur jawatankuasa itu;

(c) elaun yang patut dibayar kepada anggota-anggota jawatankuasa,

Sekolah
Agama.

96. Majlis hendaklah mempunyai kuasa untuk mendaftar sekolah-sekolah Agama Islam di Wilayah-Wilayah Persekutuan.

Pengecualia .

97. Majlis boleh mengecualikan mana-mana orang atau golongan orang daripada mana-mana peruntukan Bahagian ini.

BAHAGIAN XI

AM

Kaedah-
kaedah.

98. Yang di-Pertuan Agong boleh, atas nasihat Majlis, melalui pemberitahuan dalam *Warta*, membuat kaedah-kaedah bagi melaksanakan peruntukan-peruntukan Akta ini, dan khususnya, tetapi tanpa menjejaskan keluasan yang terdahulu, kaedah-kaedah itu boleh mengadakan peruntukan bagi—

- (a) prosedur Majlis, bentuk dan cara penyempurnaan suratcara-suratcara oleh Majlis, dan perlantikan pegawai-pegawai bawahan Majlis;
- (b) fee-fee yang kena dibayar berkenaan dengan apa-apa tindakan atau perkara yang dilakukan di bawah atau menurut Akta ini, dan cara memungut dan melupuskan fee-fee itu;
- (c) perlantikan jawatankuasa-jawatankuasa Majlis dan kuasa-kuasa, kewajipan-kewajipan dan prosedurnya;
- (d) borang-borang, daftar-daftar, buku-buku akaun, laporan-laporan, akaun-akaun, anggaran, dan dokumen-dokumen lain yang hendak digunakan berkenaan dengan apa-apa tindakan atau perkara yang dilakukan di bawah atau menurut Akta ini;
- (e) pengelolaan mana-mana pungutan khairat dan pelupusan hasilnya;

- (f) pengelolaan mana-mana masjid atau surau atau tanah perkuburan dan semua perkara yang berhubungan dengannya;
- (g) kuasa-kuasa dan tugas-tugas Pegawai Masjid;
- (h) penentuan dan penyiaran sempadan-sempadan kariah Masjid;
- (i) jagaan dan pengajaran bagi muallaf, dan cara mendaftarkan muallaf;
- (j) pentadbiran sekolah-sekolah Islam dan aktiviti-aktiviti yang berkaitan dengan pengajaran agama.

99. Semua kaedah-kaedah, perisytiharan, perintah, notis, borang, surat kebenaran dan perlantikan yang dikeluarkan atau dibuat di bawah atau menurut kuasa mana-mana undang-undang bertulis yang dimansuhkan oleh Akta ini hendaklah terus berkuatkuasa, setakat yang ia tidak bertentangan dengan, atau digantikan dengan peruntukan-peruntukan Akta ini, sehingga dibatalkan atau digantikan oleh kaedah-kaedah, perisytiharan, perintah, notis, borang, surat kebenaran, atau perlantikan yang dikeluarkan atau dibuat di bawah peruntukan-peruntukan Akta ini.

Kecualian
kaedah-
kaedah dan
perlantikan-
perlantikan

100. Apabila mula berkuatkuasanya Akta ini, semua kuasa Mahkamah Kathi Besar atau Mahkamah-Mahkamah Kathi yang ditubuhkan di bawah seksyen 44 Enakmen hendaklah diambil alih atau dijalankan oleh Mahkamah-Mahkamah yang ditubuhkan di bawah seksyen 40 dan mana-mana sebutan mengenai Mahkamah Kathi Besar hendaklah disifatkan sebagai sebutan mengenai Mahkamah yang ditubuhkan di bawah subseksyen (2) seksyen 40.

Peralihan.

101. (1) Seksyen 165 Enakmen dalam pemakaiannya bagi Wilayah-Wilayah Persekutuan adalah dipinda dengan menggantikan perkataan-perkataan "112 of this Enactment, erects any mosque, or dedicates or otherwise applies any existing building as or for the purposes of a mosque" dengan perkataan-perkataan "73 of the

Pindaan
seksyen 165
dan 166
Enakmen.

Act Administration of Islamic Law (Federal Territories) Act 1992, erects any building to be used as a mosque, or otherwise applies any building for the purposes of a mosque, or causes or permits any building to be used as a mosque".

(2) Seksyen 166 Enakmen adalah dipinda dengan memasukkan selepas sahaja perkataan "Kāthi", dengan perkataan-perkataan "or a *tauliah* granted under section 95(3) of the Administration of Islamic Law (Federal Territories) Act 1992".

Pember-
hentian
pemakaian
Enakmen

102. Bahagian I, II, III, IV, V, VIII dan X (kecuali seksyen 52 hingga 93 dan 107 hingga 109) Enakmen hendaklah terhenti terpakai bagi Wilayah-Wilayah Persekutuan.

JADUAL PERTAMA

Seksyen 2(3)

BENTUK SKRIP BAHASA ARAB BAGIPERKATAAN DAN UNGKAPAN TERTENTU

Faraq	-
Fasakh	—
Fatwa	—
Hadith	—
Hukum Syarak	—
Kariah	—
Nass	—
Naqib	—
Nazr	—
Qaul muktamad	—
Quran	—
Ratib	—
Syariah	—

JADUAL KEDUA

(Seksyen 8(3))

1. Tiada apa-apa jua dalam seksyen 8 boleh disifatkan sebagai membenarkan Majlis membuat perintah untuk menubuhkan apa-apa perbadanan yang mempunyai apa-apa kewajipan, kuasa-kuasa atau hak-hak Majlis di bawah Akta ini. Kecualian.
2. Tertakluk kepada peruntukan-peruntukan Akta ini, apa-apa perintah yang dibuat di bawah seksyen 8 adalah mengikat perbadanan yang berkenaan dengannya ia dibuat dan hendaklah mempunyai kuatkuasa bagi segala maksud seolah-olah ia telah dikanunkan di dalam Akta ini. Perintah-perintah mempunyai kuatkuasa mengikat
3. Majlis boleh, dengan kelulusan Yang di-Pertuan Agong, pada bila-bila masa meminda, membatalkan atau menambah kepada apa-apa perintah yang dibuat berkenaan dengan mana-mana perbadanan di bawah seksyen 8. Pindaan dsb. perintah-perintah
4. Majlis hendaklah menyimpan satu daftar bagi semua perbadanan yang ditubuhkan olehnya di bawah seksyen 8 dan daftar itu bersekali dengan salinan-salinan semua perintah yang dibuat di bawah seksyen itu hendaklah terbuka kepada pemeriksaan awam pada tempat atau tempat-tempat dan pada waktu-waktu sebagaimana yang ditetapkan oleh Majlis. Datuk perbadanan-perbadanan.
5. (1) Majlis boleh, dengan kelulusan Yang di-Pertuan Agong, melalui perintah yang disiarkan dalam *Warta*, mengarahkan supaya mana-mana perbadanan yang ditubuhkan olehnya hendaklah digulung dan dibubarkan. Penggulungan.

(2) Apabila terbubarnya mana-mana perbadanan di bawah perenggan ini, aset perbadanan itu, setelah dibayar segala liabiliti, hendaklah dipindahkan kepada dan diletakkan pada Majlis.

(3) Penggulungan sesuatu perbadanan di bawah perenggan ini hendaklah dijalankan mengikut cara yang ditetapkan oleh Majlis.
6. Tiap-tiap perbadanan yang ditubuhkan di bawah seksyen 8 hendaklah menjadi pertubuhan perbadanan dengan nama sebagaimana yang diberikan kepadanya oleh Majlis dan hendaklah kekal turun-temurun dan mempunyai meterai biasa dan boleh mendakwa dan didakwa atas nama tersebut, dan, bagi maksud memaju atau menunaikan fungsi-fungsinya, boleh mengikat kontrak dan boleh memegang dan mengurusniagakan atau memperlakukan apa-apa harta alih atau tak alih dan boleh melakukan segala perkara dan benda lain yang bersampingan atau berkaitan dengan sesuatu pertubuhan perbadanan yang tidak berlawanan dengan peruntukan-peruntukan Akta ini dan tertakluk kepada sekatan-sekatan sebagaimana yang ditetapkan oleh Majlis dalam setiap satu hal. Perbadanan-perbadanan hendaklah menjadi pertubuhan-perbadanan.

Meterai
perbadanan bagi
sesuatu
perbadanan

7. (1) Tiap-tiap perbadanan hendaklah mempunyai suatu meterai perbadanan, yang hendaklah mengandungi suatu tanda sebagaimana diluluskan oleh perbadanan itu dengan kelulusan Majlis, dan meterai itu boleh dari semasa ke semasa dipecahkan, ditukar, diubah dan dibuat baharu oleh perbadanan itu dengan kelulusan Majlis.

(2) Sehingga suatu meterai diadakan oleh sesuatu perbadanan di bawah perenggan ini, suatu cap yang mengandungi nama perbadanan itu bolehlah digunakan sebagai meterai biasa.

(3) Meterai biasa, atau cap yang disebut dalam subperenggan (2), hendaklah berada dalam simpanan orang yang diarahkan oleh perbadanan dan hendaklah disahkan oleh orang itu; dan segala suratikatan, dokumen dan suratcara-suratcara lain yang berupa sebagai dimeterai dengan meterai tersebut, dan yang disahkan seperti yang disebutkan terdahulu hendaklah, sehingga dibuktikan sebaliknya disifatkan sebagai telah disempurnakan dengan sahnya.

(4) Apa-apa dokumen atau suratcara yang jika disempurnakan oleh seseorang yang bukan pertubuhan perbadanan, tidak akan dikehendaki supaya dibuat di bawah meterai, boleh dengan cara yang sama disempurnakan oleh perbadanan.

(5) Meterai tiap-tiap perbadanan hendaklah diberi pengiktirafan rasmi dan kehakiman.

JADUAL KETIGA

Seksyen 83

MASJID, SURAU DAN MADRASAH DI DALAM WILAYAH-WILAYAHPERSEKUTUAN

- | | |
|--|---|
| 1. Masjid Al Akram,
Kampung Daluk Keramat,
54000 Kuala Lumpur, | 2. Masjid Jamek Kg Bharu,
Kg Bharu,
50300 Kuala Lumpur. |
| 3. Masjid Al Firdaus,
Segambut Luar.
51200 Kuala Lumpur. | 4. Masjid Jamek Kg
Selayang Lama.
Batu Caves.
68100 Kuala Lumpur. |
| 5. Masjid Al Khadijiah,
Pantai Dalam,
59200 Kuala Lumpur | 6. Masjid Jamek Petaling,
Batu 6. Jalan Puchong,
58200 Kuala Lumpur. |
| 7. Masjid Al Rahimah.
Kampung Pandan.
55100 Kuala Lumpur | 8. Masjid Jamek Sg. Besi,
Pekan Sg. Besi,
57000 Kuala Lumpur |
| 9. Masjid Al Rahman,
Jalan Pantai Baru,
59200 Kuala Lumpur. | 10. Masjid Jamek Sg. Mulia,
Batu 4 3/4 Jalan Gombak,
53000 Kuala Lumpur |

PENTADBIRAN UNDANG-UNDANG ISLAM
(WILAYAH-WILAYAH PERSEKUTUAN)

55

- 11 Masjid Amannah,
Kepong,
52100 Kuala Lumpur.
- 12 Masjid Jamek Tg Abd.
Aziz Shah, Sg. Pencala,
60000 Kuala Lumpur.
- 13 Masjid Hidayah,
Sentul Pasar,
51000 Kuala Lumpur.
- 14 Masjid Pakistan,
Jalan Raja Muda,
50300 Kuala Lumpur.
- 15 Masjid India.
Jalan Melayu.
50100 Kuala Lumpur.
- 16 Masjid Salehm,
Polis Depoh, Jalan Gurney,
54100 Kuala Lumpur.
- 17 Masjid Jamek Alam Shah,
Jalan Pasar, Pudu,
55100 Kuala Lumpur.
- 18 Masjid Saidina Abu
Bakar As Siddiq.
Bangsar Park. Jalan Maarof,
59000 Kuala Lumpur.
- 19 Masjid Jamiul Ihsan,
Pekan Setapak.
53000 Kuala Lumpur.
- 20 Masjid Saidina Ali.
Padang Balang, Sentul,
51100 Kuala Lumpur.
- 21 Masjid Jamek Bandar,
Jalan Tun Perak.
50050 Kuala Lumpur.
- 22 Masjid Saidina Omar
Al Khattab,
Jalan Setia Budi. Bukit
Damansara,
50490 Kuala Lumpur.
- 23 Masjid Jamek Batu Empat,
Jalan Gombak,
53000 Kuala Lumpur.
- 24 Masjid Ubudiah,
Segambtl Dalam,
51200 Kuala Lumpur
- 25 Masjid Zubire
Ibn Awwam,
Batu 3 1/2,
Jalan Cheras.
56100 Kuala Lumpur.
- Al Jarrah,
No. 27 Jln. 1/26 Tmn.
Sn Rampai. Setapak Jaya,
53300 Kuala Lumpur.
- 27 Masjid Jamek Jalan
Haji Salleh, Sentul.
51100 Kuala Lumpur.
- 28 Masjid Saidma Othman
Ibnu Affan,
Bandar Tun Razak, Cheras,
56000 Kuala Lumpur.
- 29 Masjid Jamek Karnpong
Batu. Batu 5, Jalan Ipoh,
55100 Kuala Lumpur.
- 30 Masjid Taman Tun
Dr. Ismail,
Jln. Dato' Sulaiman,
Tmn Tun Dr. Ismail,
60000 Kuala Lumpur.
- 31 Surau Balai Islam,
Jalan Tim Razak,
50400 Kuala Lumpur.
- 32 Madrasah Islamiah,
No. 35, Jalan Kuari,
Bukit A. Kg. Cheras Baru.
56100 Kuala Lumpur.
- 33 Madrasah Al-Shukriah
Kg Pasir Baru, Petalng.
58200 Kuala Lumpur.
- 34 Madrasah Ikhlasiah,
Kg. Kerinchi Bukit C2,
59200 Kuala Lumpur.
- 35 Madrasah At-Taqwa,
Taman Setapak,
53000 Kuala Lumpur.
- 36 Madrasah Bengkel Keretapi,
Pusat Latihan Keretapi,
Jalan Langgak, Sentul,
51100 Kuala Lumpur.
- 37 Madrasah Islamiah,
Hospital Besar,
50586 Kuala Lumpur.
- 38 Surau Asyahada',
Maktab Tentera DiRaja,
Kem Sg. Besi,
57000 Kuala Lumpur.

- | | |
|---|---|
| 71. Surau Kampung Batu Memkar, Kampung Batu Menikar, Wilayah Persekutuan Labuan. | 72. Surau Kampung Pohon Batu, Kampung Pohon Balu, Wilayah Persekutuan Labuan. |
| 73. Surau Kampung Bukit Kuda, Kampung Bukit Kuda, Wilayah Persekutuan Labuan. | 74. Surau Kampung Patau-Patau No. 1, Kampung Patau-Patau, Wilayah Persekutuan Labuan. |
| 75. Surau Kampung Patau-Patau No. 2, Kampung Patau-Patau, Wilayah Persekutuan Labuan. | 76. Surau Kampung Tilam Kasim, Kampung Tilam Kasim, Wilayah Persekutuan Labuan. |

HURAIAN

Rang Undang-Undang ini bertujuan mengadakan peruntukan bagi Wilayah Persekutuan Kuala Lumpur dan Labuan suatu undang-undang yang berhubungan dengan penguatkuasaan dan pentadbiran undang-undang Islam, penubuhan dan organisasi Mahkamah-Mahkamah Syariah dan perkara-perkara yang berhubungan dengannya.

2. *Bahagian I* memperuntukkan perkara-perkara permulaan. *Fasal 1* menyentuh mengenai tajuk ringkas, pemakaian dan tarikh mula berkuatkuasa Rang Undang-Undang ini. *Fasal 2* mengandungi tafsiran beberapa perkataan dan ungkapan yang digunakan. *Fasal 3* menyentuh mengenai hak-hak dan kuasa-kuasa Yang di-Pertuan Agong sebagai Ketua agama Islam dalam Wilayah-Wilayah Persekutuan.

3. *Bahagian II* memperuntukkan mengenai Majlis Agama Islam Wilayah Persekutuan (kemudian daripada ini disebut "Majlis"). *Fasal 4* menubuhkan Majlis, sementara *fasal 5* memperbadankannya. *Fasal 6* memberi kuasa kepada Majlis menubuhkan jawatankuasa-jawatankuasamembantunya. *Pasal 7* menghendaki Majlis melibatkan diri dalam kemajuan dan kesejahteraan ekonomi dan sosial masyarakat Islam. *Fasal 8* dan *9* memberi kuasa kepada Majlis menubuhkan perbadanan-perbadanan dan meminjam wang. *Fasal 10* hingga *15* mengandungi peruntukan-peruntukan mengenai keanggotaan Majlis, tempoh jawatan, penamatan, perletakan jawatan, pembatalan perlantikan, dan pemberitahuan perlantikan dalam *Warta*. *Fasal 14* memperuntukkan perlantikan Pengarah Jabatan Agama Islam Wilayah-Wilayah Persekutuan sebagai Setiausaha Majlis. *Fasal 15* hingga *19* memperuntukkan perkara-perkara yang berkaitan dengan mesyuarat Majlis. *Fasal 20* memperuntukkan mengenai kuasa-kuasa Pengerusi *manakala fasal 21* mengenai kuasa-kuasa Setiausaha Majlis. *Fasal 22* dan *23* menyentuh mengenai minit dan aturan urusan mesyuarat Majlis sementara *Fasal 24* mengenai pengiktirafan ketetapan Majlis. *Fasal 25* menyentuh mengenai cuti Pengerusi. *Pasal 26* membolehkan Pengerusi bertindak dalam hal

tergepar. *Fasal 27* hingga *31* antara lain, membolehkan Majlis mewakili kuasa dan kewajipan, merahsiakan prosiding Majlis, menjadikan ahli dan pegawai Majlis pengkhidmat awam, menentukan persoalan sendiri dan kedudukan Majlis mengenai perkara-perkara agama Islam.

4. *Bahagian III* memperuntukkan perkara-perkara mengenai perlantikan Mufti dan Timbalan Mufti. *Fasal 32* dan *33* memperuntukkan perlantikan dan kuasa-kuasa Mufti dan Timbalan Mufti. *Fasal 34* hingga *36* adalah perkara-perkara mengenai fatwa. *Fasal 37* memperuntukkan penubuhan Jawatankuasa Perundingan Hukum Syarak. *Fasal 38* menyentuh mengenai permintaan bagi pendapat Mufti dan *fasal 39* mengenai nas-nas yang hendaklah diikuti semasa mengeluarkan fatwa.

5. *Bahagian IV* memperuntukkan perkara-perkara mengenai Mahkamah-Mahkamah Syariah. *Fasal 40* memperuntukkan penubuhan Mahkamah Rendah Syariah, Mahkamah Tinggi Syariah dan Mahkamah Rayuan Syariah, sementara *fasal 41* hingga *45* mengenai perlantikan Ketua Hakim Syarie, Hakim-Hakim Mahkamah Rayuan Syariah, Hakim-Hakim Mahkamah Tinggi dan Rendah Syariah, Ketua Pendaftar, Pendaftar dan Penolong-Penolong Pendaftar Mahkamah. *Fasal 46* hingga *53* mengandungi peruntukan-peruntukan mengenai bidangkuasa-bidangkuasa Mahkamah-Mahkamah dan *fasal 54* hingga *57* menetapkan mengenai rayuan di Mahkamah Rayuan Syariah.

6. *Bahagian V* adalah berkaitan dengan pendakwaan dan perwakilan. *Fasal 58* memperuntukkan perlantikan Ketua Pendakwa Syarie, Pendakwa-Pendakwa Syarie, Ketua Pegawai Penguatkuasa Agama dan Pegawai-Pegawai Penguatkuasa Agama dan *fasal 59* adalah mengenai Peguam Syarie.

7. *Bahagian VI* mengandungi peruntukan kewangan. *Fasal 60* menubuhkan Baitulmal. *Fasal 61* menjadikan Majlis pemegang amanah tunggal untuk semua jenis wakaf, nazr dan amanah sementara *fasal 62* hingga *68* adalah peruntukan-peruntukan mengenai amanah khairat, wakaf dan nazr. *Fasal 69* menghendaki Majlis menyediakan anggaran pendapatan dan perbelanjaan sementara *fasal 70* adalah mengenai perbelanjaan Majlis dan *fasal 71* mengenai urusan bank.

8. *Bahagian VII* mengandungi peruntukan-peruntukan mengenai masjid. *Fasal 72* menjadikan Majlis sebagai pemegang amanah semua masjid. *Fasal 73* mengenakan syarat-syarat untuk pembinaan masjid. *Fasal 74* memperuntukkan penyenggaraan masjid oleh Majlis sementara *fasal 75* menentukan sempadan kariah masjid. *Fasal 76* hingga *80* memperuntukkan perkara-perkara mengenai Pegawai Masjid. *Fasal 81* memberi kuasa kepada Majlis membuat kaedah-kaedah mengenai jawatankuasa kariah dan *fasal 82* adalah mengenai pengecualian. *Fasal 83* memperuntukkan kuasa Majlis meminda Jadual Ketiga.

9. *Bahagian VIII* mengandungi peruntukan-peruntukan mengenai pungutan khairat. *Fasal 84* menetapkan prosedur dan syarat untuk pungutan khairat.

10. *Bahagian IX* memperuntukkan mengenai kemasukan Islam. *Fasal 85* dan *86* menetapkan kehendak-kehendak untuk masuk Islam dan saat masuk Islam sementara *fasal 87* menyentuh mengenai tugas-tugas dan kewajipan-kewajipan muallaf. *Fasal 88* hingga *92* memperuntukkan mengenai Pendaftaran, pendaftaran, Perakuan Masuk Islam, pengiktirafan muallaf" dan cara menentukan orang yang tak didaftarkan seorang muallaf. *Fasal 93* memperuntukkan mengenai kesalahan memberi maklumat atau keterangan palsu sementara *fasal 94* memberi kuasa kepada Majlis membuat kaedah-kaedah.

11. *Bahagian X* mengandungi peruntukan-peruntukan mengenai pendidikan agama. *Fasal 95* memperuntukkan penubuhan, keanggotaan dan kuasa Jawatankuasa Pengawasan Pengajaran Agama. *Fasal 96* memberi kuasa kepada Majlis untuk mendaftar sekolah-sekolah Agama Islam. *Fasal 97* menyentuh mengenai pengecualian yang boleh dibuat oleh Majlis.

12. *Bahagian XI* mengandungi peruntukan-peruntukan am. *Pasal 98* memperuntukkan mengenai kaedah-kaedah yang boleh dibuat sementara *fasal 99* adalah mengenai kecualian kaedah-kaedah dan perlantikan-perlantikan. *Fasal 100* adalah mengenai peruntukan-peruntukan peralihan. *Fasal 101* bertujuan meminda seksyen 165 dan 166 Enakmen dan *fasal 102* memperuntukkan pemberhentian pemakaian Enakmen.

IMPLIKASI KEWANGAN

Rang Undang-Undang ini akan melibatkan Kerajaan dalam perbelanjaan wang tambahan yang amaunnya tidak dapat ditentukan sekarang ini. [PN. (U²) 1739.]